



唐大詔令集卷第一百二十一

政事

捨雪上

原劉武周宋金剛等誑誤詔

宥劉武周餘党詔

赦河南諸州為王世充誑誤詔

寬宥逆人親党勅

矜放緣坐勅

原免兩京被賊逼授偽官詔

受賊偽官令均平改擬詔

宥田承嗣詔

復田承嗣官爵制

宥李忠臣詔

宥李懷光示諭河中將士詔

誅李懷光後原宥河中將吏招諭淮西詔

放李希烈將士還本道
誅李希烈原宥淮西將吏詔

捨雪上

原劉武周宋金剛等誣誤詔

代

朕發跡太原陳師汾澮底定京室廓清函夏誰彼晉魏事等豐宛近者妖覆
憑陵侵斥郊境害虐良善擁遏吏民大軍東討義存拯難芟夷醜類實在
弔民凡厥渠魁已就殲殪脅從之輩情有可原宜許自新義申蕩滌其等州
潞州隕州并州等四惣管内自武德三年四月二十二日以前被劉武周宋金剛
等所誣誤者罪無輕重皆赦除之各令復業一皆不問州縣城堡有固守忠節
抗禦凶徒者具錄聞奏別加褒賞

宥劉武周餘黨詔

四百四十
編制

祝網^口辜彰乎舊典赦過宥罪著自前經往者劉武周竊據遑陞擁逼良善石
嶺以北懼其與雖武周奔竄寄命蕃夷而殘黨餘氣尚懷旅拒致使朔漠猶警關塞
未寧屢動干戈久遠聲教代州惣管定襄王大恩勤績克著安輯邊境討擊未賓
率其從化朕君臨天下義存撫育念彼凋弊若納諸隍但朔代黎元逆命日久今雖歸

附巧懷反側其代州總管府內石嶺以北自武德四年二月二十九日以前所有愆犯罪無
輕重悉從原宥可並令安居復業勿使驚擾

赦河南諸州為王世充誣誤詔

朕初膺靈命撫育萬邦一物失宜憂責在己是以昧旦丕顯具食忘勞思
流惠被於率土日者世充作梗借擅一方侵虐士民阻絕聲教鞏洛之地比
邑連城受制凶威莫能自免翹足引領乞師請命朕愍彼黎庶獨為匪民命
將出軍用申撫字兵威所震醜徒懼服元惡頓顙面縛軍門殲滅氣稜混同
文軌極彼遺民出乎塗炭宜從蕩滌與之更始可赦河南諸州舊為世充所誣誤
者自武德四年六月四日以前皆除其罪若有率其部眾保全城邑因事立功以
歸朝化者量其効績就加職任奇才異行隨事旌擢鰥寡孤獨以時恤理亡
命山澤詔書到後三十日不來歸首者復罪如初

寬宥逆人親黨勅

蘇頌

勅朕聞古先哲王臨御天下以刑止殺罪疑惟輕懲惡勸善義不相及管仲實讐言
身為良佐穉康既戮子為忠臣昔人美談事前非遠聞者元惡大惡寔繁有徒
杖順行誅法在無舍朕惟薄德獲承丕運敬託群公之上因以百姓為心且逆豎交党

及其親姻頃屬多難今而人亨與之洗滌用徇於寬惠多令遷貶孰安于反側故一切勿論欲明本躬而有司所奏尚未該詳緣累黜削或平平允豈朕受天明命作人父母之意故將朕之誠之且未能諒將義者多緒不厘其失思之撫然甚非所謂其親累人貶人等所司宜更詳審務令折衷重申朕意咸使坦懷俾爾周行以凝庶績唐隆元年七月六日

矜放緣坐勅

蘇頌

勅朕聞古先帝王受天之命承天之序萬方罪已百姓為心者蓋司牧于至公豈崇高於大寶朕猥守不緒克恭嚴訓各神祇之騰寶敬愛之道二祀于斯矣頃逆賊竇懷貞等首謀逆亂敢肆兇悖交羽林而竊發指玉堂而睥睨維觸瑟之兆禍積於猖狂而援旗以問變生於倉卒太上皇震威雷激睿略天新命朕龔行應時戡翦眾所同弃人其安已而承姑射之期奉華首之志爰釋重負鍾于薄德願如臨而益俱思若濟而罔知將何以敷四聖之休成一人之教伏以太上皇比親庶績念于朕躬逸於承歡未知為政而內有聲樂外有畋漁從魏文河曲之遊追漢宣杜城之好因時命賞幾忘枉予之責他日為言非專代天之理今退而自省殷鑒前弊損之為戒仁豈遠乎朕其再思當不二也俾爾卿士下洎元元體朕至誠勉遵大化欲使陽和時雨之惠利有攸往肅殺申霜之感存而不作故事非獲已期在無刑惘然永懷將布寬典

書不云乎罰不及嗣古之制也其逆人親緣坐合死者特宜放免配為城奴仍差使領送自餘支党往還一無所問與吏始者令安反側與再生者時垂哀憫屈彼尋常之法矜其至重之命庶有先武焚書之事成湯解網之恩凡厥遠近咸遣知悉先天二年七月十三日

原免兩京被賊逼授偽官詔

朕聞古先哲王慎罰恤人命脅從周理罪疑惟輕成湯有解網之仁先武有焚書之令蓋惠披至理其刑章是以法不濫加刑所以措也間者時遭覆逆患在于戈衣冠之流逼迫者眾事不獲已情稍矜焉頃者委在三司窮其五聽議重者累申刑典稍輕者猶被勾留況時久淹延人皆窘乏衣食且猶不給家屬又悉垂離艱難之憂無甚於此豈朕法辜宥罪作父母之意耶况德澤頻加科條遞減原其事狀稍近平人豈可尚議遷貶增其反側萬方有責罪實在予一物失所屢將若厲永言憫念用側于懷其兩京官應被賊逼授偽官司所推問未了者一切放免其賊中守本官至各方選曹受駢馳既寬刑典免其貶降並至來冬放選合得官時仍委所司量事輕重注擬其已貶官續有處分元元六月

受賊偽官今均平改擬詔

刑政之本皇王天要政事或失厥中帝道則有乖於御下王者所以持平慎恤蓋在於斯朕續

服鴻緒躬臨庶政可嘗不內軼泣辜之念外覃解網之恩詔書所下期於必當往以衣冠之任受職賦廷量其輕重俾申貶黜比間三司屢置未甚均平或同科之中升降有異或謫任之所風宜不一頗招情故殊匪至公是以縉紳之間不無切議有司奉其君是耶又流降量移又申詔令省司類例事尚稽違遂使嶺嶂踰時積流荒之歎雨露凝澤壅如絲之旨迷聰遊迹頗聞咨嗟斯乃主者殆官甚無謂也宜令中書門下類例三司先所貶官各據科自均平改擬仍審勘前後制勅應合霑恩並速處分准制合量移人亦令吏部速比類聞奏又緣頃經逆亂中夏不寧士之子流多投江外或扶老携幼久寓他鄉或失職無儲難歸京邑春言憫念實惻于懷宜令中書門下牒本道責取品應五品已上官並即典進改六品已下官合序用名品可收者亦量材敘用仍據中外負闕切融授官其授京官者仰本道勾當裝束即合赴京授外官者各令之任餘不合授官是士流者所在州縣一切安存無害公私勿令干擾

宥田承嗣

臣子之義違而必懲春秋之辭服而先捨故武威以制其不恪文德以懷其自新田承嗣侯惑好邪輒干紀律朝有彛憲當舉典刑猶示含容薄令降黜冀其遷悔全彼平人而不赴所貶之官且造端之將避迴師旅綿引旬時朕猶憫宥從悞茲併命其人何罪碩悼增懷深思改過之朝救無辜之福而承嗣果能尅責頌誠詞汎首束身請歸庭闕輸心瀝懇備在封

章而正已地迹藩隲其昭誠款遂屢有陳奏達其深衷故以悔非之誠全其改往之志翻然效順頗用嘉之即宜与子姪家口等同赴上都當待以殊恩永守終告豈不美歎其魏博所管官吏將士僧道耆老百姓等初因迫脅曾受駢馳或久拒官軍辭不獲已或徵科郡邑出入門庭皆俱於不全蓋素非元惡既往之咎並與惟新一無所問或先在昭義軍營內諸州軍者並宜却還本貫各安舊業昭義所管官吏將士截耳軍健身及家口先在魏博等州者妄有驅逼各被質留原其初心本非舊惡既因註誤先令蠲除仰即歸本州亦一切莫問各守所務無相奪倫王典無私信存賞罰曾從因理前聖嘉謀歸命者必全知過者皆宥今既納承嗣之懇請亦以虛懷捨脅從之前非悉令原免如其諂詭時日猶事逗遛國有常刑法確屢屈過期不至獲罪如初諸道兵馬即宜同力協心大軍克期不可追悔轉禍為福准在此時至于再三非不深切想及官吏將士已下奉而行之知朕懷也

復田承嗣官爵

昔在虞舜舞干羽于兩階而苗人服頌漢高帝遣陸賈而赦南越先武亦下詔書招附實融然則太上以德撫人其次因其制事或有阻兵使地未縱紀律將畏刑以紓禍俟文告而斯懷則明恕之道宥過為大其來久矣永州刺史前魏博等七州節度觀察處置管內支度營田等使開府儀同三司太尉檢校尚書左僕射同中書門下平章

事兼魏州大都督府長史上柱國鳳門郡王食邑定封一千戶田承嗣頃封攘之外
或收郡邑以下尺一之詔徵縣道之師貶刺零陵式彰典憲而國家十連將師千里
旌旗軍騎強屬於山河樓船瑣結於淮海而承嗣轅門宿將方面舊臣授鉞持衡素
經委遇乃繕甲陳備越河應敵然未離魏郡嬰壘自固頻遣章奏聞欵申誠至祈
革心永用遷善又聞聚族與歎恒思更新廢食遺寢沉憂成疾夫為君上者承
天子人蒸育廣覆一夫不獲則日時予之辜今河南河北之人皆朕之人也豈可不念
隱恤求逞其心令其父兄乘城子弟攻取矢石之下骨肉相殘邑里之間敵讐交
斃而兵連禍結廩餼取資異賦急征井閭殫竭男釋耒耜女廢蠶桑流離凍餒擠
于溝壑而欲勞師躋武必舉弊章終夕惟慮誠所未忍且使蒼生罹此塗炭皆由朕司
牧無方朕不德誰之過也今將損膳撤懸內省歸咎以寬承嗣本官爵仍委在彼
勾當軍州事不須入朝第庭琳及子姪等凡所連坐貶降者一切釋放並還本官仍
依舊職掌馭使其魏縣將吏百姓及宋汴過河將表奉珪祝舜井將士等並從原
宥一無所問於戲以欲使人必求諸道澤渚時禁仁有被於泉魚鱗卵不傷德可
懷於鳥獸今則偃干戈之務全億兆之人庶茲明誠上合天曠公卿百辟悉朕意焉

宥李忠臣

納忠引過人臣之大節錄用念功帝王之彛典雖藩鎮之守秉律或虧而股肱之良
懋功斯在不忘求舊特用優賢淮西節度觀察處置使開府儀同三司檢校司空同
中書門下平章事汴州刺史上柱國西平郡王李忠臣純性直方深衷厚實自然文
武之器推有將帥之才勇則本仁謀常制勝頃者王室多故戎事方殷奮不顧私義
形于色遠自遼海首拔全軍擁義勇之師徇邦家之急出入百戰勤勞兩河委以
旌麾寄在淮石不俟駕而赴命每先期而即戎俾鎮大梁實參元輔倚賴之重中
外式瞻戎部之間政刑或撓雖在危能部公忠志闕勤誠再馳道路降服請罪至于
再三言念勞臣良深憫歎酌於軍志失政有懲舉以朝經議勳可恕罷其方面之務
省內臺閣之煩論道之司仍處三公之列分土之爵尚居五等之封用示優崇服我
嘉命可檢校司空同中書門下平章事散官勳封如故朕與功臣本同休戚其於任
遇豈易始終庶將傳慶子孫寧止保其祿秩凡百卿士宜悉朕懷

宥李懷光示諭河中將士

間者變興京邑朕播越奉天李懷光仗義帥師自遠赴難逆黨奔潰危城解圍
錄其茂勳嘉其明節所以任崇元帥位極上台而祿滿盈慮迴惑信受間謀自生
疑二服以匡復大計藉其成功曉諭將相禮待殊厚而野心不革往顧逾甚欺誘

群帥襲奪衆軍誣陷信臣拒違詔命與朱泚結固通使往反放肆兇威彰示狂逆務為劫脅迅發醜言萬情失圖諸將咸憤所以重茲巡狩越次梁岷違奉宗祧淪汙士庶撫心自咎良增愧歎寔由朕格物之誠不至知臣之鑒不精求惟此軍功著王室安祿山之作亂肅宗以朔方之衆復區夏僕固懷恩之繼逆代宗用朔方之師靜關塞洎朕涉此多難露處奉天內則擐甲登陣外則歷險赴艱寒不挾纊夜不釋戈邦固不傾寇讐斯屏竭誠致命力衆一心朕方期收復皇都策勳命賞永同休戚大報功勞豈謂餘孽未平叛臣連禍臨制將士莫由自申憤激於衷誓不同惡每一念此惻然疚心猶以懷光舊勳務於容貸其副元帥太尉中書令河中尹朔方等諸道節度觀察等使宜並罷免改授太子太保其所管兵馬委本軍自舉一人功高望重者便宜統領速具奏聞當授旌旄以從人欲應朔方及諸事在行管并奉天兵士春衣等時方暄熱並未支給每想暴露豈違安居今江淮轉運輕貨般次即至續當支遣朕知朔方將士志順惜朔方將士功名所以應勳再三視遠如迎斯言心信無自弃焉

誅李懷光後原宥河中將吏并招諭淮西詔

陸贄

朕聞自昔哲王以道化下不竭物以充欲不勞人以樹威億兆之心如戴父母丘華不試累下失業不後來同苟昧於德綏務以力勝士旅疲耗蒸黎困窮幸以成功豈云有補李懷光久從

淹歷歲時被服干戈略無寧息賴茲勤効是有成功宜共賜物三十萬端足以充宴賞仰度支即般次歸本道仍令所司叙錄即超首典轉改其中大將及功効殊尤者委本使速具名銜聞奏先與處分其先在河中將士亦宜賜錢宴設如本是奉天定難功臣准勅合給賞者度支排比支付嗚呼自國家多難二紀于茲朕嗣位七年連兵五載追惟往事悔恨盈懷今二孽繼誅諸方甫定哀彼淮石獨為匪人其帥不襲其衆何罪朕晨慮夕揚念之於數州窮戰爭則流禍及於天下利病之勢較然祖懸俾人惟殃寧我忍耻今勳賢列鎮疆理有經縱未偃戈是以保境况天地之大無所不容豈今是邦永隔朝化困茲大慶使洽鴻恩諸道應與淮西接連宜各守封境非彼侵軼不須進討仍委所在長吏明知招諭宣布朕懷李希烈若能歸降待之不死其餘將士官吏百姓等一切洗滌與之更新先有官封亦皆仍舊如能去逆効順因事建功理當甄升以褒勸其所優賞科條並准前勅處分朕思與海內者危固安有過自新雖大必宥朗然明信章示兆人期爾庶邦自求多福無有遠迓咸使聞知

放李希烈將士還本道

李希烈負恩作亂劫脅平人朕念生靈無辜務欲息兵捨罪累行赦令皆許自新言心丹三事出誠素此朕含垢忍耻屈法為人之心天下所明知也希烈固執兇圖監脅

將遣我詔命犯我甲兵今月三日遣偽署中隨唐鄧州都知兵馬使杜文朝率馬步五千人入襄州北界山南東道節度使樊澤勒兵馬與戰大破其徒斬級生擒蕩除略盡又於陣上生擒杜文朝及大將馬坦然等此皆朕德不昭感殺未敢行致使平人脅從逆命不帥有罪其人何辜朕所以有表悼心感事增歎猶異改過尚可息兵再明屈已之心式洽好生之義其陣上生擒將士馬坦然等七百九十人宜令樊澤給衣糧食並令放還并寫前後赦文勅命宣示懷寧將士等有能向化者准赦令一切不問官爵如初其有傷痍去勝致者並委醫療令其得所其陣上所殺人宜差由官於側近埋瘞兼立牌記無使暴露爵吾春和其杜文朝身領全軍事得由已不得歸順力屈就擒得當日有處分

誅李希烈原有淮西將吏詔

陸贄

勅反易天常悖遠人紀衆之所弃罔或逃誅李希烈蔑德背恩窮奸極暴謂神器可以力取謂生靈可以詐欺志在克殘躬行僭竊罪無所比法所難容朕以君德不修致人於禍究其端本過寔在予不忍蒸黎重相攻戰屢施詔命務欲懷柔抑群師奪發之誠駐諸軍討逐之勢不憚已期於息人希烈曾無悛心益逞驕志虎毒滋甚吞噬無厭思貫既盈自左夷滅開府御史中丞臨郡王陳仙

寄忠勇有謀沉毅能斷據闔境受污之憤導三軍思順之心唱義一呼群情響附廓清氣稜殲戮渠魁驛書上聞函音入獻方隅既又戎役其休懸賞之科是宜必信其以仙竒為檢校工部尚書兼蔡州刺史御史大夫充淮西節度使仍賜食封五百戶應淮西管內將士官吏百姓等頃迫兇威遂從脅制既誅兇惡俱是平人除李希烈一家其餘並准前後赦勅原免更無所問其將士等或本屬平盧或久鎮淮右素推忠義累著勲庸果能協志同謀論誠奉順以茲節効良有可嘉委仙竒即以諸邑官錢優典宴勞其中首建謀議同斬希烈人等宜並條錄聞奏節級褒賞比年以來有潛國効順節著明計或未行為賊屠害者亦宜審加訪察具事跡以聞如有子孫仍錄名聞奏百姓等久經淪陷兼被傷痍想茲凋殘寔足憫除供當道用軍之外宜復二年應被希烈差點兵馬及團練子弟並放散其本額將士之中有不樂在軍願歸農業者委刺史量給逃死戶田宅并借貸種糧優復終身使之存濟宜令尚書左丞鄭叔則充淮西宣慰使嗚呼往欽哉自希烈叛命于今五年王澤不通下情亦阻所宜宣我信令以釋危疑敷我惠我以慰疲瘵滌清污俗咸與惟新底綏一方以稱朕意

唐大詔令集卷第一百二十一

唐大詔令集卷第一百二十一

政事

捨雪下

重原宥淮南西將士等詔

放淮西生口歸本貫詔

釋放妖妄人李廣弘支屬勅

雪吳少誠詔

雪王承宗詔

雪王承宗詔

宥淄青大將詔

赦鎮州德音

雪王庭湊詔

洗滌長慶亂臣支黨得音

復陳敬瑄官爵制

捨雪下

重原有淮西將士等詔

陸贄

勅乃者希烈亂常阻兵竊號汗脅士衆殘虐蒸蒸朕志在好生誠深罪已為人受恥不忍加兵惟茲一軍代着忠節果殲九惡不替舊勳詢于衆情就拜戎人亦勞止期於小康旋垂恤下之方重致喪身之禍由朕薄德俾人不寧撫臨萬邦且愧且悼賴將校士旅秉其誠心邦人不驚軍部無撓以茲節効良有可嘉所宜慰安俾洽寬釋應士吏人承前所有諸色過犯罪無輕重一切釋放曠然昭洗咸與更新其先請受莊宅財物者各以見管為主將士衣賜節料并家口糧等一切並准舊例以時給付不得停減先合優典賞設亦准元勅處分務令豐厚以稱朕懷仍加曉諭各使知悉

放淮西生口歸本貫詔

陸贄

勅遷徙家鄉分離骨肉有生之酷莫甚於茲朕撫育兆人庶臻理道懲過不可以不罰原情不可以不矜將推內恕之心用廣自新之路應從李希烈作亂以來諸道所擒獲淮西生口配隸嶺南黔中等道宜一切釋放歸本貫其投降人等權於諸州縣安置者亦任各從所適

釋放妖妄人李廣弘支屬勅

下火葉

為成人豈忍以一朝之忿駟而殺然而田弘正首以六州之衆歸廷開先帝之雄圖變河朔之舊俗除去苛暴昭惠和愛人如身養士如子拊御教訓必忠孝為先是魏之師徒一年而知息二年而知禮三年而相與讓於道矣故南征淮蔡東伐青齊北走趙地元勳茂績皆自師律我意宗付之心齊入則輔弼出則藩垣惟誠不疑近寔死比願朕小子獲受五圖嗣守不遑何暇恢復而承元請覲冀郡擇才苟非動賢輕授是用恣我元老臨於是邦而又寵諸以樞官如三軍以厚賜復其租入惠彼蒸黎於此一方之人可謂死有不至而梟首未革狼顧猶存忍害忠良恣為殘賊臨軒震悼撫几驚嗟天乎不仁一至於此朕下為君父上奉祖宗毀舟撤於鯨鯢陷股肱於蛇豕尚欲因循忍耻僂佞偷安非惟傷心於田氏之子孫亦將何顏謂先帝之陵廟人神共憤卿士叶謀咸願誅夷用申寃痛便合與師進討以剪姦兇尚念一軍之中豈死義勇蒼卒變動必非衆謀苟得其魁餘復何罪且令魏博橫海昭義河東義武等軍各出全軍以臨界首仍各飛書檄具論朝旨如王庭湊能執首謀為亂扇動三軍者送至降道或就州處置然後束身歸朝必當起廢授三品正員官并與實封五百戶其餘三軍將士一切不問年大將等或有能相諭翻然改圖者各隨事跡當

付鎮州王庭湊德者

移據百廿

加寵權如王庭湊遂迷不寤諸道宜便進軍以時剪滅苟不得已至於用師其有效忠則宜懸賞如有梟斬兇渠者先是六品已下官宜與三品正真官先是五品已下官節級昇進仍與實封三百戶在宅各一區錢二萬貫以一州歸順者便與當州刺史仍賜實封二百戶如先是本州刺史以一州歸順者超三資與官仍與實封二百戶一縣歸順者超兩資與官定封二百戶如有能率所管兵馬并城鎮來降並超三資與官仍賜官爵定封一百戶賜錢一萬貫以身降者亦准前例處分其有城鎮將士百姓等守節拒賊身死王事者各委長吏優給其家仍具其事跡聞奏當加褒贈其有潛謀誅斬渠魁被其屠戮者宜便如追贈并賜錢帛仍與一子官諸軍所至不得妄加殺戮焚燒廬舍掠奪資產并有拘執以為俘馘其管內州縣有自置義營堡柵王師所至能相率來歸各加酬勞時當秋候務切農功邊界之人懼廢耕織應緣軍務所須不得干擾百姓如要車牛夫役工匠之類並宜和雇情願仍優給價錢賊平之後應立功將士並與超資改官節級賜物其長行官健歸降者亦當優賜褒賞幽陵變擾誠謂亂常以其旁害賓寮有異上加台鉉校其輕重示以招携尚開迷復之門用廣自新之路如開賊中文牒安作異端皆指朝

吳靡寧忍駢樂上之人令就陳原之戮既克剪暴常思止戈予之此心天地昭鑒况常山師旅舊有功劳將改往以修來誓酬恩而遷善鑒精誠之俱切俾渙汗之載敷曠滌乃愆斷在朕志復此殊渥當懷永圖其王承宗所有瑕罣特宜洗雪依前守銀青光祿大夫檢校吏部尚書兼鎮州大都督府長史御史大夫上柱國充成德軍管內支度營田鎮翼深趙等州觀察處置等使應成德軍將士官爵實封等一切仍舊待之如初其管內四州百姓委承宗厚加安慰令守生業官吏已下各守職於戲禍福無門善敗由已所鑒既因於克念易轍因獲其就安行之惟艰守在勿失凡百庶士宜知朕懷

宥淄青大將勅

勅魏博及義成軍節度送到擒獲逆賊李師道下都知兵馬使夏侯澄兵馬使朱澄等共四十七人附麗亮黨抗拒王師國有常刑悉合誅戮朕以其久居汚俗皆被脅從况討伐已來時日未幾縱懷轉禍之計未有效款之由情似可矜朕不能殺况三軍百姓熟匪_吾人詔令頒行罪止師道方欲極於塗炭是用活其性命誠為屈法庶使知恩並宜從特釋放仍令却遞送至魏博及義成軍各委節度收管駢使如緣父母血屬猶在賊中或羸老疾病情切歸還者仍量事優當放去

務相全貸何所疑留

救鎮州德音

四百三十七
門下仲尼有言詩云執轡如組審此言可以為天下也蓋為聖人組修其身而成文於被故伯益贊禹則曰滿招損謙受益所以服有苗夏后啓亦云吾德未至教未善故能尅有扈苟齊俗以禮化人以躬尚可感於神明柔於蠻貊累聖遺教昇平舊風堅命在鎔為人之所鑄猛獸在押由人之所訓因而撫之敢忘前訓朕以菲德纂承鴻緒屬先皇歸馭中寓康濟兆人八表晏然五兵咸息常兢兢懷於繼述思致理於和平豈以樂戰為心佳兵在念而鎮州以承宗云亡自歸誠歎幽州以劉總慙志願釋兵符相繼來同無思不服非服勒於遠略力以致之亦既綏柔咸加霽澤不受金帛以惠於戎士不吝爵賞以寵其偏裨復以一二台臣嘗推謹愿庶將朕以靖方隅而佚於既安莫能惡惠曾未累月旋聞叛離朕亦欲因其人心命長帥顧念弘正盡忠先朝身嬰戕害家受屠戮為之元首能不痛心是用下制先申告諭求其克惡莫釋幽寬仍令四面節度各守封境不欲遽加誅討所望自効忠誠而將士等懼罪以相保王庭湊為衆之所迫故其州壞捍以兵鋒每聞戰爭永念黎庶為之君父又可忍乎是用輟食忘寢晝夜萬慮恭惟烈祖之訓必用兼愛之心務

此等在前
矣

戎旅頗著忠勞拔於等倫授以旄鉞誓師河朔奔難奉天有夷兇嫉惡之誠有救患釋圍之績俾介元帥仍升上名秉心匪彝自底不類怙衆貪亂附奸脅君朕再遷几危宗社泊股肱宣力賊泚就誅率土之人咸懷奮擊朕獨排群議未忍加兵命復官封志期全貸昏迷不返悖慢逾彰殘害使臣侵敗王略密迓京邑人愁無聊諭之不悛乃用致討上帝悔禍元臣叶議克集茂勳以夷大難渠魁授首餘衆革心制勝以謀兵無刃雖事非獲已義在救人而本其所由情深罪已蓋信誠未著撫馭或乖至使功臣陷於誅戮謂之尅敵能不愧心然以懷光一家法當殲殪念其昔居將相嘗寄腹心罪雖挂於刑書切已藏於王府以干紀之迹固合滅身以赴難之所宜有後非常之澤俾洽幽明雖屈彝章庶旌往効大夫君子無我有尤宜以懷光一男為嗣賜莊宅各一所听住京城仍還懷光首及屍任便收葬其妻及諸子孫在室女等并遞送澧州委李臯逐便安置使得存立其出嫁女及諸親戚並宜釋放應先陷河中將士等皆嬰迫脅無路申明多是朔方舊人素蘊忠義并幽州涇原將士頃被朱泚脅從收京之時奔竄其本末情有足矜况能協力同謀舉城歸順錄其成效咸其惟新宜一切洗雪勿為瑕累先有官爵實封者並許仍舊其中首謀効順事跡著明委副元帥條件聞奏別加甄獎河中及同州百姓並經陷賊又久屯軍骨肉流離生業廢棄與言軫念

朱李懷後原籍河中將士并招安陷西

陸

良用側然冒各給復一年京兆府奉先美原等縣緣與同州接近隨便供軍杼軸既繁流亡頗衆委京兆府尹即量優恤條件聞奏仍如招緝使各安存河東保義軍節度營田觀察處置等使銀青光祿大夫檢校司徒同中書門下平章事兼太原尹北都留守北平郡王燧惟獄降生爵為時傑奉上勵匪躬之節訓師懷盡敵之謀略地無遺攻城必拔發揚以威強寢感激而服叛徒嘉謀屢聞能事畢朔方河中同絳陝號等州節度及管諸軍行營兵馬副元帥河中絳州節度觀察處置使開府儀同三司行侍中兼河中尹咸寧郡王瑊鑒識精明字量弘博秉義率衆推誠待人堅持不奪之心函陳必勝之略輯睦士旅慰安流庸盛德克彰崇功克集惟乃二帥一其誠心奉行天誅同獎王室有崇讓之美有禁暴之能元惡既除全城底定是加寵命以答崇勲燧可兼侍中仍與一子五品正員官并階餘並如故瑊檢校司空仍與一子五品正員官餘並如故華州潼關鎮國軍節度使開府儀同三司檢校右僕射兼華州刺史御史大夫武康郡王駱光元邠寧等州節度觀察處置等使檢校左僕射兼邠州刺史大夫許昌郡王韓遊懷坊丹延等州觀察使檢校兵部尚書兼御史大夫東平郡王唐朝臣等並節著艰危功成討伐鎮于衝要隱若長城取彼兇殘進無堅陣比義同德節清尸隅耳增食於真封且延榮於賜實封二百戶仍與一子六品正員官並五品階餘並如故應諸軍司封懷光將士等一自征役

並已從別勅處分除竄遂遐荒及配諸陵守當外應諸惡黨從祖兄弟子姪妻族內外親戚門生故吏及以來別居并從疎遠等降德音後不問諸司諸使更不用尋勘務從寬恕俾絕憂疑准先推鞠得姓名合流者雖已逃竄如獲日准前勅處分頃者屢降明詔以順人心重此究窮蓋非獲已今則更無餘孽永絕猜嫌據憤之志既申懲惡之刑亦至乘春布澤大典惟新明示中外咸知予意至者施行

復陳敬瑄官爵詔

大海所以長百川者下流必納大地所以載萬物者有質比皆容哲后躰之事無常世弔人拯溺則龔發王師錄舊弃瑕則大開法網斷自朕志又何愧焉陳敬瑄發跡禁軍遂各居大鎮因緣遭遇窮極寵榮先皇帝頃屬艱難遂至巡狩敬瑄當鎮都會頗罄忠誠大則有天下赴難之師皆求宿衛次則有官司奔走之吏重朔朝廷玉帛波輸梯航露集實竭勇智備極經營度支日費而未省告勞供饋星繁而竟無橫斂全由盡節果叶中具朕初奉宗祧未熟政理遠忘前績俄至與師責楚子之苞茅爾雖曠職望公孫之豆粥予亦無恩致我勞臣莫明素志近者視朝無事之夜觀書則廬綰之在四夷尚堅夙衛周勃之居一縣足表厚誣前史具存殷鑒何遠矧朕冲眇敢忘勳勞相印兵符高爵顯位既從昭

雪寵且如初勉思禍福之門重契君臣之分抑人情而遵天道既已無疑思福善而誠禍盈使當自省王建頌彦朗等久屯師旅頗罄忠勤盡懷願伏之謀俱奉及瓜之戍眷言勲効常所歎嘉今則大布寬仁永安謹誤在稟垂察之令勿辜偃革之恩便令部領師徒各歸所任其迴戈將士等仰彥朗王達以奉本道上供錢物量事優賞訖奏兼聞揚晟等深知逆順首率歸投陳勁草之心備輿櫬之禮書之信史永播忠規教瑄重作藩侯列收復為州將勉斯和計以保初終無構厲階重貽伊戚敬瑄可開府儀同三司太師兼中書令成都尹上柱國潁川郡王食邑四千戶食實封八百戶充劍南西川節度副大使知節度事管内觀察處置統押近界諸蠻及西山八國雲南安撫制置營田供軍糧料等使於戲劇舟求劍取笑古人膠柱調絃故難忘理以茲通變莫息干戈苟有利於蒼生又何辭於改作布告遐迩咸使聞知

大順二年三月

唐大詔令集卷第一百二十二

唐大詔令集卷第一百二十三

政事

購募

募擒王世充爵賞詔

購殺武元衡賊勅

平亂上

平竇建德赦

平王世元後赦

平輔公祐赦

皇太子建成齊王元吉伏誅大赦

平內難赦

收復西京還京詔

收復京師詔

至德二年以收復兩京大赦

平朱泚後車駕還京赦

購募

募擒王世充爵賞詔

世充僭逆獨逼黎元向化之徒死由自達朕惡煩百姓不欲與戎久戢兵威未窮征討然而縱溢彌甚暴虐不悛彼方隅久遭塗炭賊既糧盡計竭眾叛親離惡稔貫盈亡徵已見今則分命驍勇步騎齊趨直指洛濱衝其巢穴招納降附拯救阽危務在安人豈求寶利兵馬所到有曰事立功擒兇制聖者重頒爵命厚加褒賞其金玉藏分賜士酬賞之料仍依別格宜明申布咸使聞知

購殺武元衡賊勅

朕以不得恭臨万邦不敢自逸每懷兢惕而兇狡竊發殲我股肱是用當宁廢朝通宵忘寐永懷匡輔何痛如之宜極搜擒以攄憤毒天下之惡天下共誅念茲臣庶固同憤歎宜令京城及諸道所在同捕逐有能獲賊者賜錢一萬貫仍與吾官以有官序量加超授如本雖同謀或曾停止但能糾告當捨其罪仍同此科敢有藏匿全家誅戮布造遠近使明知之

元和十年六月

平乱上

平竇建德赦

自隋氏失馭政散民流盜賊交侵區宇離圻喋喋黔首俱被焚溺之災元、无辜並困豺狼之吻朕受天明命君臨人極克除暴乱大極氓黎声教所覃无思不服唯彼趙魏尚隔朝風建德徃因喪乱連群結黨竊州據邑擅置官僚叛換一隅恣行兇虐朕愍彼河朔久遭塗炭納隍輒慮无忘吳寢但以凋弊之後惡煩士眾且事含弘未先討擊然而遊魂放命殺稔貫盈駢率犬羊固為侵斥與王世充欲相救援輒來舉斧以抗大軍兵威所臨醜徒山崩潰生擒建德囚致軍門凡厥收黨皆就虜獲歷稔逋寇一舉廓清蕩滌民與之更始可赦山東諸州為建德誣誤者自武德四年五月八日以前皆赦其罪

平王世充後赦

詔曰天生蒸民樹之司牧光宅區宇撫宇黎庶日月照臨文明於是統極雷雨作解順時所以布化往者隋季道衰刑政廢缺九服雲擾五岳塵飛率土之民墜於塗炭瞻天踊地控告无所朕愍彼橫流志存拯溺投袂鞠旅肇建義旗伐暴除克寧宇縣靈祇叶贊遐迩樂推歸運所集祇膺宝位戡剪多難撫輯遺民溥被万方情均覆欲然而世充放命擾乱周韓建德遊魂度刘趙魏害害良善阻絕朝風言念匪民久罹凶毒滿堂之樂猶有向隅納隍之歎无

志曼是以出車命將罪伐吊民宗庙威靈卿士効節旌所拂醜徒冰泮三凶授
首万方廓清書軌大同氛祲澄蕩邊候解柝燧无虞振旅休兵塗歌里拊
既九圍寧謐八表義安思與吏民勵精更始又惟寡德政道多違陰陽不調
致使亢旱深思惕懼震悼于懷解網崇恩宜流凱澤可大赦天下自武德四
年七月十二日昧爽以前大辟罪已下已發露未發露悉從原放自武德二年十二
月三十日以前亡官失爵者量聽叙用天下民庶給復一年其陝鼎函虢丹
六州供轉輸之費幽州管内久隔殺戎給復二年身死王事量加褒贈律令格式且
用開皇舊法孝子順孫義夫節婦所在詳列旌表門閭奇材異行隨狀薦舉高
年博獨量加贍卹

平輔公祐赦

詔冒有隋失馭盜賊交侵四海群飛六合雲擾上天降鑒爰命朕躬戡定凶孽
清宇縣然而江湖之外水鄉僻遠向化之民未能自達逆賊輔公祐構扇凶醜蟻聚蜂
屯侵害黎民搖動城邑憫塗炭義在吊撫命彼徧師聊申薄伐沿流而下
乘机剋定氛祲清蕩遐迹義安文軌大同朝野咸慶今朱明戒序時方長育
宜順天心播茲大惠可大赦天下自武德七年四月日昧爽以前大辟罪已下已發露

繫囚見徒悉從原免其犯十惡劫賊官人在法受財主守自盜及常赦所不免流
配已上者並不在赦例止命山澤挾藏軍器百日不首復罪如初其江州道行軍
經塗悠遠非死勞供運轉輸及從軍役者並宜給復二年從軍內有犯罪除解
官人立賞勳効者並復官爵仍依本品隨才處分揚越之民新沾大化見在民
戶給復一年其與賊同心共為逆亂非彼迫脅情狀唯原者不在赦限

皇太子建成齊王元吉休伏誅大赦

朕恭膺寶位臨馭万方綏育黔黎于茲九載欲使仁惠之政達於天下德義之
方孚于宇宙豈謂莫大之骨近發蕭牆及噬之惡滅於天性皇太子建成城居
嫡長屬當儲貳慶以少陽莫克負荷遂昭近群小聽受邪謀叢奔君親離阻
骨肉密圖殺逆潛為梟鏡司徒齊王元吉寄深盤石任惟翰輸屏寵樹皖翮醜
心逆逆一旦彰惟彼二凶罪窮數稔禍不旋踵自取屠戮念茲醜惡慙慙盈
懷今禍難既除氛祲澄蕩國步夷坦政道惟新思與萬民滌除更始可大赦天
下自武德九年六月四日申時以前罪死輕重已發露未發露禁囚見徒悉從
原免以逆之事止有二人自餘徒黨其被誣誤一无所問各從洗蕩其僧尼道士
女冠宜依舊定國朝之事皆受秦王慶分

平內難赦

大道移國朝有賊臣見危授命家多義士朕以凶閔觸緒摩清奸豎措扇傾陷宗社潛圖欲發机兆未萌相王第三子臨淄郡王諱糾合同盟忠勇奮怒志除兇黨保護邦家逆賊常溫馬秦容葉靜能宗楚容紀處納武延秀趙履溫揚均業等密行鴆毒先聖暴崩朕志不圖全枕戈泣血風雲玄感情計陰通太平公主男衛尉卿薛崇暎典前同州朝邑縣劉幽求惣監鍾紹京日夜共謀誓誅逆黨兇徒驚惡投竄无所今天衢交泰氛祲廓清宜由作解之恩以洽升平之化自唐隆元年六月二十日昧爽以前大辟以下常赦所不原者咸赦除之其逆賊頭首咸已斬決自餘支黨一无所問内外官三品以上賜爵一級四品已下加一階諱可封平王實封一千戶賜物五十段鍾紹京可銀青光祿大夫守中書侍郎潁川開國公食寔封二百戶賜物十段前同州朝邑縣尉劉幽求可朝議大夫守中書舍人仍叅知机務中山縣開國男食寔封二百戶利人府折衝麻嗣宗可雲麾將軍行左金吾衛中郎將賜物一千段

收復西京還京詔

聖人有作狐矢爰與曆伐已來征代靡廢自逆胡已死餘孽猶存所統蕃人多

以利合亦有因事便被脅從朕誓雪國讎餘无所問中夜痛憤志安蒼生其假息偷生披城自守鼎蕪幕鷄何以論慈廣平王及諸將分隊夾攻迎軍破敗橫屍遍野積甲和山二十里可知多少其中逼迫同被殺傷言念于茲良深憫悼今兵馬乘勝便取東京平盧節度兼領契丹五方又收河北天下之事計日可平緣京城初收要安百姓又掃洒空闕奉迎上皇以今月十九日還京應緣供頓務須減省豈志唯弊宮別優賞宣示百姓令知朕懷

至德二年十月

收復京師詔

武國出震乘軋立極開統謳歌歷數啓至千令文物聲明握圖六葉安祿山夷羯賤類頑兇殘復頃以捍邊有功專制方面同人者貌冒報効恩私異人者心乃苞藏逆亂以為中原死備干戈可動而毒深流禍變倉卒塗炭万性共言痛憤朝市之內忽肆兇殘衣冠之中咸被點污朕作人父母志雪國讎是用中夜奮發提戈問罪自靈武聚一旅之衆至鳳翔合百万之師親惣元戎掃清群孽出師之日仍下寬令殲厥渠魁餘无所問有能翻然歸順自縛軍門復其官爵仍加優將十等以大軍一舉玉石俱焚元惡就誅兇殘並戮壇屍遍野疋馬不遺今西土罷兵咸以寧輯河洛氛祲一朝剪除廣平王倣受委元師能振天聲左僕

射于儀決勝死前克成大業復有迴紇葉護及雲南子弟并諸藩兵馬等皆竭誠向化助戰賈勇事同破竹易若摧枯朕入城之日百姓等咸思戴商復喜觀漢煙雪風景皆是祥光里巷歡呼唯聞相慶朕早承聖訓嘗讀禮經義切奉先恐不負荷今復宗廟於函洛迎上皇於巴蜀道奎典而及正朝寢門而問安寰宇載寧朕願畢矣且復人將有主敢當天地之心必與豈在乎寔憑社稷之祐京城僧道者壽百姓比者時穀翔貴新芻不給困窮之極朕嘗繫心緣初收京城倉庫未積大國用稍足豈忘施惠其諸色行人因陣敗沒并坊市百姓及諸色番胡召募并本是元惡兇黨昨因破賊所在潛藏並仰於府縣及御史臺陳首一切原其罪如有不首被人言告捉獲者並從軍法其京城内外文武官有受賊補署罄其心腹自祖及父皆承國恩就逆背順頑志臣節或有守舊官者請俸料為賊判事或判事之際中間得替并有攝賊偽官兼知職掌其中有京官外官及前資白身皆授擢用其中有隱迹不出故僻疾病色類既廣人數又多宜令御史臺憲部大理三司據狀勘責條件聞奏其有外官充使及先有職掌并事故及隔絕未赴任在城者亦委三司勘責聞奏又賊中臺府坊市所由人等比與逆賊追捕皆造事端損害忠良仍奪財物為蠹尤甚情不可容宜令崔光

遠禁身切推問二具狀聞奏勿令漏網其內侍省及左右龍武羽林軍閑厩飛龍諸武官應先合從駕人等其中臨行潛避遂受賊駭使並各委本司使括責量情狀輕重奏聞其有隱盜倉庫及偷劫逆賊家錢物或受賊寄附并與賊貿易與賊請祿料等因此隱沒者並限勅到十日內各於所由陳首其物便准數送納本處并還不須科罪慮以有破用徵納難辛仍捨分放三分以弘寬貸其近日逆人及隔絕人莊宅宜即括責一切官收又聞人家子女多被侵逼且非本情宜一切不須尋問或與逆賊居住隣近及作義故往來情非切害一時之事有殊逆黨亦宜釋放其有受賊偽度人宜令所司括責並勸還俗其僧及道士各收本色所在寺觀勿許居止今兩京死虞三靈通慶可以昭事宜在澤恩待上皇到日當更有處分咨尔有眾知朕意焉

至德二年十一月

收復兩京大赦

詔軒轅有版泉之戰帝堯有丹水之師湯有葛伯不祀周有獫狁孔棘古之王者奉若天命不敢不正亂常干紀不得不誅日者逆豎猖狂行稱亂朕嗣守鴻業鉉承春國枕戈嘗膽撫劍泣血罔不夙夜若涉春冰賴天地疾威社稷憑怒上皇丕列万国允懷因時致討為人請命由是義夫奮發迴紇藉兵邦圻開輔

之士沂隴河滙之衆沙朔羗戎之騎微盧蠻貊之人万里雲趨四方霧合既張戎
伐咸一乃心蠢茲蜂蠆之餘尚負蝗蝻之力自京南合戰洛北追奔百万摧鋒一戎
而定昔夏以有窮之乱免之者四十年漢以新莽之篡復之者六千日金今環周末
再氛覆廊清風振海而波蕩雷破山而石裂寰區重開日月增輝此皆三靈叶
贊累聖垂祉豈予小子能集大勳須以先掃宮室奉 迎 聖駕紫宸初正黃

屋未坼耆老之望則深庭闈之戀猶積所以自天之澤必本於承顏作解之思尚
稽於俟命今六飛屆止万姓昭蘇義奉君親慶深家國不失舊物與俗惟新宜弘
律肯之典共意以康之福可大赦天下常赦所不免者咸赦除之其逆人能自投降
率衆款附及殺獲逆人其以郡縣軍城降者並如起賞應與安祿山同謀反逆枝
黨及李林甫王鉞楊國忠等二房並不在犯免限武德開元及蜀郡靈武元從切
臣有先王沒死王事者並加優增各與子孫一人官棄辛與蜀天步多难人心且搖
臣節思見太子太師幽國公常見素開封儀同三司內侍監齊國公高力士開封儀
同三司右龍武大將軍潁川郡公陳玄禮開封儀同三司左龍武大將軍田長文開
府儀同三司左龍武大將軍張崇俊特進右龍武大將軍杜休祥等勇不顧死危
能致命或竭誠羽翼仰北辰而環拱或叶契心膂聚東井以全歸疇茲錫杜之永

以誓河之義見素加開府儀同三司實封三百戶力士加實封三百戶玄禮進封蔡
國公實封三百戶長文進封鴈門郡公崇俊進封南陽郡公休祥進封馮翊郡公
各實封二百戶朕龔行天罰誓兵朔野幸以一旅之衆逆成九有之師言念經論
豈忘締構銀青光祿大夫尚書右僕射裴見識宇冲深体局貞固輸忠佐命肇
契吳王加開封儀同三司封異國公食封三百戶光祿大夫殿中監同正負判行軍
李輔國志除降君惡忠誠濟范加開府儀同三司殿中監依前判行軍事封成
國公實封五百戶銀青光祿大夫宗正卿兼工部侍郎李遵義切維成勳參定
國家加特進封鄭國公實封二百戶開府儀同三司兼鴻臚卿同正負中軍都知兵
馬副大使管宗嗣能訓戎律以佐兵權進封鉅鹿郡公實封二百戶中軍都虞候
特進兼鴻臚卿同正李昂加開府儀同三司進封保定郡公雲麾將軍右衛大
將軍右羽林軍宿衛內供奉王執加特進太原縣侯仍各實封一百戶自寇戎奸
况王師未政振瞻言京邑尚聚犬羊廣平王俶修學好古今德孝恭志存邦家
誓雪讎耻爰鞠其旅元戎啓行可封為楚王食實封二千戶銀青光祿大夫尚
書左僕射兼武部尚書同中書門下平章事兼靈武大都督府長吏單于
安北副大都護持節充朔方節度閔內支度營田鹽池押諸蕃部落副大使知

節度事六城水運朔方管内採訪處置使子儀才光三傑切格十臣克悼皇威載
昌天葉加司徒兼尚書左僕射進封代国公食封定二千戶平章事已下並如
故開府儀同三司兼鴻臚卿同正朔方左廂兵馬使同節度副使姑臧縣子僕圍懷
恩進封豐国公寔封二百戶開府儀同三司兼右金吾衛大將軍同正仍充四鎮
伊西北庭行軍兵馬使李嗣業履險忘軀破敵匡難兼衛尉卿同正封號国公
食寔封二百戶銀青光祿大夫守司徒兼戶部尚書同中書門下平章事兼御
史大夫鴻臚卿太原尹北京留守河東節度副使薊国公光弼全德挺生英才
間出干城中悔生甲安邊可司空兼兵部尚書同中書門下平章事進封薊国公食
寔封八百戶開府儀同三司御史大夫兼工部尚書持節充招討西京并定武威武
興平等軍兼關內節度河西隴右伊西四鎮行軍兵馬使王思禮養銳先聲蓄
奇後殿可開府儀同三司行工部尚書兼御史大夫封霍国公寔封五百戶光祿
大夫太常卿同正兼御史大夫淮南西道節度採訪使潁川太守來瑱可開府儀
同三司兼御史大夫封潁国公餘如故特進太僕卿南陽太守兼御史大夫權知襄
陽郡事金鄉縣公魯炆是韜略副茲節制可開府儀同三司兼御史大夫封祁
國公仍各食寔封二百戶兼京兆尹持節充京畿採訪討會招召宣慰處置

與五品官父祖先亡歿者贈八官祖母亡歿亦追贈邑号忠臣事君有死兄貳
烈士徇義雖沒猶存其禮愷廬奕顏杲卿表履謙許遠張巡張分然蔣清
龐堅等即典追贈訪其子孫厚其官爵家口深加優賞其内外文武官在遭
逆賊殺害及申赴本朝并逃難山谷其父子兄弟伯叔等與賊捕捉損害及謀翻
成人言語洩漏因遭賊戮並勘責奏聞當典追贈天下侍老八十以上授授有差
並賜緋魚袋太原遭圍逼給復三年上兵等郡縣堅壁多時力窮方下絕食尚
守情亦可矜宜各給復三載其好時奉先兩縣進退禦寇徵求復多各給復三
載蜀郡王皇親幸方乘久居明年租賦且依常式起後載給復三載良弟張氏
既望氣如婦烝當熊見節可冊為淑妃進封南陽郡王傑為朝趙王新成王僅為彭
王穎王潤為亮王第七男佺封汪王第九男佖封襄王第十男佖封興王第十一男垂
封杞王第十三男侗封定王倓已下所司擇日即行冊命雖知子之明慙於往哲而役親之
義蓋所隨時持盈尊師及儀王已下各賜全物五百疋諸掌公至各與一子官嗣郡縣
主各與一子六品官皇五等已下及九廟子孫及親等人見任者並與轉改内外文武
官三品已上賜爵一級四品已下各加一階應紀叙三品五品董加減兩考蜀郡鳳翔扈
從官九品已上更賜勳兩轉溥天之下賜哺五日王者施行

平朱泚後車駕還京赦

門下致理之体先德後刑礼義興行故人之耻格教令明當則俗致和平然後姦臣不萌暴乱不作古先哲后莫不由斯國家受命百七十載八圣儲慶敷右下人遍種寬大之德累蠲苛酷之令益人之所積者厚故澤之所流者深茲予小子獲主重器惜於治乱之溺於因習之安授任不明賞罰垂當立法以齊衆而犯命念甚興戎以除害而長乱益甚繁賊蓄姦乘豐竊發九庙之祀非靡依揆揄肆其吞噬豺狼穴於宮闕歲未去半載羅播遷仰慙穹昊俯媿臣庶敢爰實越苟余眇身誠懼益縱寇儲重辱宗社忍恥誓志庶補前羞賴億兆之心不志先德將帥戮力恭行天罰俾予寡昧再膺多祐紉軋網於既紊復天柱於將傾言旻鑄京不改舊物宗祧以序朝享有期貴重慶深弥增感嗚呼君者所以撫民也君苟失位民將安仰朕既不德致寇興禍使生靈无告受制况威苟全性命急何能擇或虧發名節或貪冒貨利陷于法經事匪其所由自我而致不能撫之以道乃欲繩之以刑豈所用胄恤人罪已之誠含垢布和之義滌清汙俗咸與更新可大赦天下自興元元年七月二十二日昧爽以前大辟罪以下已發覺未發覺以結正未結正繫囚見徒常赦所不原者咸赦除之今年五月二十八日已前左降官即典重移已經量移未復資者

更移近處流人及配贖罰鎮効並即放還亡官失爵放歸不齒量加收叙未復資者更與進改其黜免人等有素著行能傍遭謫累特加祿用勿以忘負不有忠者誰復社稷不有勞者誰從巡狩連帥之重所以嚴邦御戎也二千石之任所以分夏共理也方鎮將校勤奉戎役中外寮吏恪居官次固有大庆所宜同之內外文武及致仕官三品以上賜畫一級四品以下賜加一階仍賜勳兩轉司從兼中書令晟膺時傑立先輔中興再定皇都匡天下推恩之典貽慶元窮宜與一子正負京官侍中城沉遂忠厚服勞王家保全危誠大懃嘉乃懃績次干寵章宜與一子六品正負京官鎮國軍潼關節度使檢校右僕射韓道環奉天行營諸軍節度使檢校右僕射戴休顏等咸秉大節著于艰难同勳叶忠翼我與運各典子七品正負官諸道節度使及行營都知兵馬使都虞候典元扈從左右金吾大將軍等各典一子八品正負官應諸軍赴上都收復將士俱以純誠奪其勇節連年帶甲百戰推鋒有意身以効命有滅親以徇義誓平國難如復私讐竟物揚貌武之雄克清梟鏡之孽策勳行賞傳嗣榮親播乃功名與國終始自去年冬以來未經甄叙者即典超一資改轉已經甄叙者更與超三資進改三品以上祖父母父母在先死官封者量授致仕官及邑號上者並與追贈四品已下父母在先死官

封者亦授致仕官及邑號上者與追贈其賞錢即委所司依元赦支給應扈從將士三品以上賜爵兩級四品以下各加兩階仍並賜勳三轉其祖父母父母官封追贈及支給賞錢並准收京城將士例處分應扈從官並息之外三品已上更賜爵一級四品已下更加一階若常參官祖父母父母先死官封者量授致仕官及邑號亡者並與追贈諸州刺史普恩外賜爵一級諸道進表官陪位者更加一階其奉天定唯及元從叨臣宜令本庫軍本使即定名聞奏所司各准元勅優賞其諸道鎮軍及行營將士三品已上賜爵一級四品已上加一階仍准今年正月一日制速與甄叙成德淄青魏博等節度下並諸道運應歸順將士等各蘊誠義著切勞猶朕失於撫綏頃歲暫懷疑阻尋能勵節不替奮勳是茲宴俾滄王澤即約額支計各賜錢賞設仍委本

節度准前後赦速條流甄叙其朔方并諸道應在河中管內并同州將士等自遠赴難解其重圍念茲功勞並未酬報雖遭瘴制情有可憐應到行營未經甄叙者並准元赦超立資改轉其賞錢比收京將士例各給半委本軍兵馬使速條錄奏聞所司即計給付其食實封者配額令其請受應天下諸道州府將士如有年老及疾患尪弱不任軍旅願歸鄉里者並給終身優復州縣功加存恤勿令侵擾如無家業可歸者給田宅使得全

濟見危致命先典所尚况忠衛社稷殺身成功朕於斯人義有加等贈太尉秀實天授貞列沮茲姦邪蒼黃之中獨蘊神斷將紓困難詭收寇兵兇謀既隳吾事果濟忠誠奮發手繫渠魁英風凜然振邁千古宜差官致祭并旌表門閭府縣護其喪事緣桑所安一切官供仍於墓所立官碑以揚徽烈其所賜實封五百戶嫡子授正員三品諸子各授正員五品官委中書門下即准元赦處分應諸道諸軍將士有身亡王事委本道本使具名銜聞奏即與褒贈仍以在身官爵父其子孫內外文武官及諸親諸色人等有橫遭殺害者各聽其家及親戚於所司陳牒勘責聞奏亦與追贈如即著中烈衆所明如仍訪其子孫量加優恤尚齒養老王風之省三代制理未或遺年朕將遵古典以興化本人心而教孝用優秩賜慰里閭京兆府者壽年八十已上並與拔授刺史仍賜紫牛已上及諸州府迎駕者壽並與拔授本縣令仍賜緋天下侍者壽等亦各與拔授本官如九十以上者州縣長吏歲時躬親省問貧弱不能自守者重賜粟帛頃屬多難人俗流弊加之以師旅因之以飢饉賦役繁起農桑失時哀我痺人訖可小息然以國計猶歎軍資靡充未盡復除良增愧悼應天下建中四年年終以前所有諸色負欠在百姓腹內者一切故免百司諸軍諸使舉放利錢

今年六月以前百姓欠負未納者亦並停徵京北府百姓普恩之外給復一年其供頓官吏委京兆尹類例具名銜聞奏量與優賞古者計戶以署吏因時而建職既不之亦先冗自今田畝汙萊版籍凋耗齊人編戶訕庇官曹貪吏點耳誘為囊橐啓姦隲業為害甚應京百司色役人及流外等委御史大夫即與諸司諸使長官審商量據見所掌事之闕劇定聞奏仍扶名送中書門下務從減省副朕憂人以後須署置並定名先奏仍求為恒式今年正月一日赦書節目未行者並舉而行之赦書或有不該即此類條件聞奏敢以赦前事相言告者以其罪罪之亡命山澤挾藏兵器百日不首復罪如初赦書日行五百里布告遐迩咸使聞知興元元年七月二十三日

唐大詔令集卷第一百二十三
唐大詔令集卷第一百二十四

政事

平亂中

誅李惟岳後優卹易定等道詔

平李懷光詔

平李希烈詔

破淮西李希烈詔

平李迺詔

平劉闢詔

平李錡德音

平吳元濟詔

破淄青李師道德音

破汴州李介勅

平亂中

誅李惟岳後優卹易定等道詔

李惟岳蔑棄父業不孝王命敢肆狂狡援結頑兇朕初示容貸佇其遷善欲明天討未即加誅故諭之禍福先以之誥忠良感激義勇爭覩元惡梟戮方底寧立千載之勳安兆庶之命此朕所以當宸興懷感念成功者也張孝忠唐日知王武俊等並書勲竹帛分掌方鎮文武之任寄同心旅既舉封崇之典宜弘善貸之命其易定深趙恒異節度現察管內幕府將士州縣官吏比在迫脅之中制非由己今元惡授首理合惟新承前過犯捨而不問自官軍出征所有誅戮並令州縣瘞埋勿令暴露有家屬者并許收葬管內百姓除本道所用外者給三年

平李懷光詔

朕聞自古哲王以道化下竭物以克欲不勞人以樹威億兆之心如戴父母兵革不試四方來同苟昧於德綏務以力勝士旅疲耗蒸黎困窮幸以成功豈六有補李懷光出自戎伍頗著勞拔於等倫授以旄鉞誓師河朔奔難奉天秉心匪彛自底不類怙衆貪亂附姦脅君朕用再遷畿危宗社泊股肱宣力賊此就誅率土之人咸懷奮繫朕獨排群議未忍加兵命復官封志期全貸昏迷不及悖擾

逾彰殘害使臣侵欺王略上帝悔禍元臣叶謀克集茂勳以夷大難蓋以誠信未著撫御失宜至使功臣陷於誅戮曾之剋敵能不愧心然以懷光一家在法無捨念其昔居將相嘗委腹心罪雖掛於刑書功以藏於王府以于紀之跡固念滅身以赴難之勳所宜有後務從寬宥俾令幽明宜以懷光男一人為嗣賜莊宅各一所仍還懷光首及屍任其收葬其懷光妻子孫在室女等並逆送澧州李李臯逐使安置使得存立其出嫁諸親戚等並宜釋放應先陷河將士等皆嬰迫脅無路申明宜切並與洗雪先有官爵實封者亦許仍舊河中府及同絳百姓並經陷賊生廢業并與言軫念良用惻然宜各給復年河中保寧等軍節度并管內諸軍節度副元帥檢校司徒平章事北平郡王燧惟岳降生鬱為時傑奉上有匪躬之節訓師懷盡敵之謀嘉謀屢聞能事畢備朔方河中同絳陝虢等州節度及管內諸軍行營兵馬副元帥侍中咸寧郡王減堅特不奪之心亟陳必勝之略輯睦士旅崇功允集惟乃二帥其誠心奉行天下誅同贊王室是以寵命以答殊勳燧可兼侍中仍與一子正負五品官并階餘並如故華州潼關鎮國軍節度檢校尚書右僕射駱元光邠寧慶節度觀察等使檢校尚書左僕射韓遊環廊坊丹延等州節度觀察

使檢校兵部尚書唐朝臣等並節著艱尤功成討罰各賜實封二百戶仍各與一子六品正員官并五品階餘並如故應諸軍同討懷光將士宜共賜三十萬端正以充宴賞並各放歸本道仍令所屬叙錄即超買與改轉嗚呼自國家多難二紀于茲朕嗣位七年連兵五載追惟往事悔恨盈懷今二孽既誅諸方甫定哀彼淮右獨為匪人其帥不戢其衆何罪諸道應興淮西連接宜各守封境非彼侵軼不須進討仍委所在長吏明加招諭宣布朕懷李希烈若能歸降持之以不死其餘將士官吏百姓等一切洗滌與之更新斯尔庶邦自求多福無有遠遐咸使聞知

平李希烈詔

李希烈弃義背恩窮奸極暴冒神器可以力取胃生靈可以詐欺志在兇殘躬行惜窳罪無與比法所難容朕以君德不修致人於禍究其端本過實在予不忍使烝黎重相攻戰屢施詔命務欲懷柔抑群師奮發之誠駐諸軍討逐之勢不憚屈已期於息人希烈曾无悛心益逞驕志害毒滋甚天噬无歆惡貫既盈自底夷滅開府儀同三司兼御史中丞陳仙奇忠勇有謀沉毅能斷據闔境受汚之墳遵三軍思順之心唱義一呼群情嚮附廓清氛穢戮戮渠魁驛書上聞函首入獻方隅既義戎役其休懸賞之科是宜必信可檢校工部尚書兼蔡州刺史御史大夫淮西節度使仍賜實封五百戶應淮西管內將士百姓等頃迫兇威遂從脅制既誅元惡俱是平人除希烈一家其餘悉從宥更无所問將士等委仙奇即以諸色官錢優與宴設其中首建謀李同斬李希烈等宜並條錄聞奏節級褒賞百姓等久經淪陷兼破傷夷想茲凋殘實足哀憇除供當道軍用之外宜給優二年將士之中不樂在軍願歸農業者委節度使刺史量給逃戶田宅并借貸種糧優復中身使存濟宜令尚書左丞鄭叔則往淮西宣慰嗟乎自希烈叛命于茲五年三澤不通下情亦阻所宜宣我信命以釋危疑敷我惠和以慰傷瘵滌清汚俗咸與惟新底綏一方以稱朕意 興元年 月

破淮西李希烈勅

勅朕纂奉王業託于人上仁不被物義不勝姦頌聲茂聞暴乱連起叛臣希烈竊據淮沂誠彼夫无良亦由朕不得撫御之道失之於師旅一興綿聯莫解服勞者後役不暇受汗者无路自新通邑化為丘墟遺骸遍於原野每念及此傷涕流且自昔勞師靡有不悔以虞舜之圣屈於苗人漢武之

強獎於戎虜矧乎德猶不逮力或未全我其永懷亦已自驚乃者下哀痛之詔布寬大之恩普天載新殊死畢有然則尚勞師旅作扞封陲有累歲離弃室家有經時不解甲冑忠雖為國咎實在予君人若斯寧不知愧賴將相士旅一其誠心奮揚武威慎固壇宇遠人思服元惡就誅蒸黎方致於安寧役戍永期於休息懋官以旌美賜宴以勞旋賞不踰時式遵彛典都檢校司空同中書門下平章事劉玄佐宜與一子五品正員官節度使檢校尚書右僕射兼御史大夫李澄檢校兵部尚書兼御史大夫典環檢校戶部尚書兼御史大夫樊渾等並與子孫一人七品正員官防禦使工部尚書兼御史大夫賈耽都團練使檢校左散騎常侍兼御史大夫盧玄卿御史大夫張建封等並與子孫一人八品正員官檢校司空同中書門下平章事李抱真檢校司空同中書門下平章事李納檢校尚書左僕射同中書門下平章事韓滉檢校下部尚書兼御史大夫田緒等並遣將士五千人赴河南行營同討不庭厥有成績抱真納滉宜並與子孫一人六品正員官緒與子孫一人八品正員官應與淮西接界州縣本軍鎮守及諸道赴行營將士等宜共賜物三十萬端正以充賞設度支即約據界首及行營軍額土配定數目逐便支送仍委本道都統節度都

防禦都團練使即條錄其名銜聞奏並與甄叙其行營將士仍各故歸本路明加宣諭令悉朕懷

貞元二年六月

平李迺詔

予紀挾邪罪在死捨立忠効節賞不踰時善惡之理既明懲勸之義收著李方榮男迺苞藏姦險違行君親悖侵朝革扇動軍旅縱其豺狼之性徇其梟獍之心迫脅使臣妾有希覲壓盡其父謀害其兄名教之所不容臣子之所同棄而又恣為不道害及死辜伊屢說張猛劉叔向並是忠良橫遭殺戮万葉卧疾不能制正永言及此深用軫懷李迺稔惡貫盈宜正刑典其伊妻說等三人委中書門下即與追贈仍各與一子八品正員官應在汴州將士等志堅金石節勵兵霜叶奉邦家感懷憤激不受焚惑問疾姦兒就縛軍中傳獻闕下勲庸特茂送迺所知宜獎忠勞各加優賞並與進改仍委董晉三月內具各銜聞奏仍共賜錢三十万貫委董晉逐便取鹽鐵轉運使錢物分給宣武軍節度都虞侯兼御史大夫鄧惟恭都押衙兼御史大夫杜皓大將王應鳳曹元侶楊燕奇劉惟清成文朝陳沛張庭芬薛文翰趙威周李庭光宇文澹李國信並竭忠効誠續用昭著惟恭可檢校左散騎官

侍依前兼御史大夫賜實封百二十戶一子七品正官官并賜物四百疋杜皓英幹並可右散騎常侍依前兼御史大夫應奉已下各加賞賜貫廷等乃同節度副使十將等二百六十三人並優與改官在城將士被李迺脅後邊逼制使者事不由已朕所深知今並一切不問宋州刺史兼御史大夫劉逸淮亳州刺史兼御史大夫食封五十戶許孝常潁州刺史兼御史大夫高五立昭等咸竭為臣之節各懷奉國之誠並可檢校右散騎常侍各賜實封一百戶其本官並如故仍各賜物二百五十疋其三州將士今別賜錢十萬貫亦並委董晉准前邊便取鹽鐵轉運使錢物分給仍委董晉速具名聞奏當與甄錄

平劉闢詔

朕聞去天下之害者受天下之利故陳諸原野非為梁戰法彼震曜本乎愛人五村不聞於兵七德必於禁暴皇王之道豈不敢欵逆賊劉闢時之妖孽處宵形之內同識君親同人伐之間別為梟鏡因元臣之畜聚恃庸蜀之江山誘誤生靈扇无桀逆朕荷祖宗之丕業執邦國之大經人之乱常法所不捨棄茲眾憤爰我祖征典戈矛於關西發介馬於并部五營禁旅七萃神

兵含貔武之雄授鷹揚之師守无絕險進靡堅營麾城而壁壘皆空接刃而撓槍盡殪瓦解冰泮淮焉无餘徵瀘彭濮從茲定蕩三蜀之流患除一方之大殘豈予寡德能致於此斯皆宗社降祐啓无疆之休將帥叶謀威永康之福祇若靈騰嘉乃衆心予懷惕然若蹈水谷其收復成都諸大將并擒獲劉闢軍將等委崇文等節級分賜務令優厚投降將亦委崇文等有甄升其賞物等委崇文等節級分賜務令優厚投降將亦委崇文文文軫條流聞奏西川諸州鎮刺史大將及叅佐官吏將健百姓等應被脅從補署職掌一切不問西川百姓等久陷兇逆不免傷殘其兩稅錢等委本道觀察使量事矜減具東川州縣及山南西道當兇徒焚惕之後王師攻取之辰發輓饋軍繕貞補缺一日之費豈止十金三軍所資尽出百姓永言勞獎朕所軫懷其東川元和三年上供錢並放留州留使錢委觀察使量事矜減仍具數奏聞山南西道元和二年上供錢量放一半官軍陣亡將士等並委崇文與監軍審勘具名銜事跡申奏即與褒贈其家口等並委本軍優當五年不停衣糧并委所在州縣速為收葬切量事政祭陷在賊中官吏百姓等應有節義著明无辜受戮者並委節

度使具名跡奏聞當與追贈仍優給其家不令疆該都蓋資共埋形或
壞制亦在稍均將懲難以銷明在立防而有素故買生之議以甚之益契
宋氏之規割荆為郢酌於前事且有變通其西川資簡陵榮昌瀘等
六州宜割屬東川於戲制理經邦必垂意於未亂而養災畜患固難榮
於已然撲彼燎原至於用鉞永言迷復載軫具焚咨尔多方体予深志
布告天下咸使聞知

平李錡德音

天地之德佐助者忠良鬼神之靈斃踏者盈貫故有死狀之豐顛越
以敗常則有不奪之誠感槩以明節易所謂功業見乎變書所為不善
降百殃積惡必至於滅身見机寧俟於終日應若影嚮昭然著明李
錡受恩三朝受任千里勺水拳石以至高深潤草塗原豈酬亭毒而棄
我厚德稔其姦心滔天以肆其逆謀擢髮未窮其醜行乃者式舉戎旆
申嚴國刑將鼓雷霆之威以誅彙獍之罪鎮海軍左廂兵馬使兼御史
中丞子良等外弘智慮內激精忠擐甲執兵取凶人之柄澀肝嘗胆懷勁
草之風迴戈以掩其羽毛竟夕遂擒其魁首天府无一金之費已靜江流

王師死一戰之勞已除人害莫大之節卓然死倫非常之功斯謂不朽高
位重賞予何愛焉殊加寵榮顯示旌勸其張子良等超異酬賞並從
別勅處分其立功將士等並准平西川例節度優賞甄叙其廂官健等
素聞勅効順亦宜霑賞亦並從別勅處分王澹趙琦等伏節死義殺
身成仁死罪死辜受茲殘酷所宜褒表並功忠貞即加追贈故仍令州
府致祭收葬其王澹如有子弟服滿日與一子八品正員官如更死辜受戮
又愧身効順者亦委元素具事跡聞奏當有褒贈及加甄錄如受戮之
中有長行官健勿停糧賜優給其家浙西管內官吏及職掌人若被迫
脅驅使者但情非同惡一切不問每念疲吐久罹虎政而又迫於逆命駢以
錯軍攫飲則灌以漏卮傷殘則烈于猛火永言於此如納諸隍宜申蠲貸
之恩莫息歌吟之苦其潤州今年秣稅未徵納者一切放免其管內諸州如
李錡作亂之後橫加徵剝委元素審如勘責異色目聞奏其權酒錢亦
宜處置聞奏應討伐之師如未出本界者委本道量加賞給如已出界者
仰具聞奏朕惟前王之訓欽慎典刑今為惡者就誅而建勳者已錄庶將
素弓偃革遂物之生成力稽勸分致人於富壽覆車垂衣永鑒之輒端

宸扇元為之風咨尔万方宜知朕意

平吳元濟詔

朕聞天地之於万物也道深煦育而雷電震曜將時警其不庭帝王之臨九有也德尚撫綏而原野陳師必加于有罪是以將伐而捨義在上姦禍召史孽固難追朕嗣膺寶歷恭守丕圖自靖亂庸除妖海浙戡翦群慝將期理平條全大和非欲生事逆賊吳元濟蓄姦稔惡憑固阻兵擅釋父喪教違君命行虧天性義絕人倫厲殘惡之聲豺狼是類忘生成之德梟獍為心大告屢加逆謀轉是用宜社至于出軍猶弘吊伐之方必冀兼討論之命元臣統護授帟帳之沈謀上宰專征運廟堂之誠筭群師畢力方旅一心戰以力摧龍不由奇勝李愬全師直進堅壁洞開克渠執於城池餘孽奔降於草莽霰廓冰泮淮濱水清斯皆宗社垂休人神協贊仰荷靈騰俯嘉眾誠惕然衷懷載益之屬頒爵授賞予何愛焉其收蔡州擒吳元濟節度及諸大將等並從別勅處分諸立功將士等委韓弘裴度與行營諸道節度使速條流等第聞奏即有甄升其賞物等已令節級優厚支遣亦具別勅處分其投降將士亦委韓弘裴度與諸道節度使計會條

流聞奏其中有是親差點百姓子弟便放歸營農仍其數聞奏其淮西諸州縣官吏將健等雖被脅污皆非本心除同惡巨蠹者一切不問其淮西百姓等陷此兇逆久罹殘傷莫匪吾人寧志優恤宜準元勅給復二年仍委州縣長吏設法安撫其淮近賊四州自王師問罪供費宴繁頻有優矜放其稅賦尚慮人多困竭務俾貽蘇其來年夏稅亦宜放免比未諸州府供行營勞役尤甚者宜令放委有司條流聞奏議優恤自經戰代所有傷痍至於徇國捐軀効忠立節每加憫歎寤是懷其官軍陣亡將士並委韓弘裴度與諸軍審勘具名銜事跡申奏即與褒贈其家口等並委本庫優當仍五年不停衣糧并所在州縣速為收葬仍量事致祭其將士有同戰陣傷損尤甚以至殘廢者各委本軍厚致優恤仍物停衣糧其陷在賊中官吏將士百姓等應有節義著明死辜受戮者宜令州縣府長吏致祭收葬仍並委節度使具名跡聞奏當有褒贈仍優當其家先以褒贈者委長吏訪其子孫聞奏當與甄錄其家亦惟例優賞於戲制理垂規每思去殺而亂常作逆多自干誅夷念興師至于珍寇累年之內徵役靡寧除害雖本於為人數化終慙於用鉞霄衣永歎所良愧焉

咨尔万方宜諒予志

破淄青李師道德音

門下朕聞三光下燭懷忠秉義者其節必彰四海環周作逆崇奸者其禍必大况乎思有負於覆載礼自恃於君親罪盈而神怒既加惡甚而人謀乃發衆所共弃誅何可逃逆賊李師道首惡稔兇背德蔑義動皆干紀言必欺天固海岳之山川為地豕之窟宅志寵祿於累代恣殘忍於一方估亂自至於滅身冒戮唯窮於擢髮朕祇臨宝位仰奉丕圖除暴本務於好生用武尚慙於耀德肆命群帥會兵龜蒙旗鼓相望城壘連下淄青都知兵馬使金紫光祿大夫試殿中監兼監察御史刘悟義勇中激沈謀外通據三軍嚮順之誠申列郡受汗之情迴戈首唱方旅響從渠魁就殲梟獍同戮載馳駟幽首上聞氛祲廓清方隅底定功有卓異理當優崇旌善勸能用昭必信其刘悟所酬官賞並從列勅處分其同立功將士等賞物已有處分支遣委宣撫使楊於陵與本道計會連條流功效等第聞奏續加甄獎魏博以全軍濟河俯壓賦壘摧攝兇狡導致忠良刘叶謀祚為保授既剪逆豎且甄茂勲一諸道行營咸盡忠力至於攻取剋捷繼聞應

緣討伐將士歸還之際合有宴勞賞賜等並從別勅處分仍各委本道條流百功將士聞奏當議甄錄其淄青管内州縣官吏軍鎮將健及諸色職掌人等久懼脅汗自投無由撫事量情亦可矜恕除同惡巨蠹者其餘一切不問其淄青道百姓等陷此兇逆久被殘傷昨日阻兵尤肆暴虐吾人是念豈忘優矜宜給復一年仍委本州縣長吏設法綏撫其管内有高年廢疾并鰥寡惻獨貧弱尤甚者委現察到日差官存問并量與粟帛訪問此者賊中應有百姓斛斛皆被收納今春農時貧乏者眾恐有不辨耕桑便失生業者宜存問如有此色取所舊貯斛斛量事給與令充種食俾得存濟其賊中雜差點子弟夫役便放還本處其中有不能自存者量事優恤百姓商旅諸色人中有被分外死名賦歛者並當勒停自興討伐言念傷痍扞患損軀納忠徇國良深隱憫寧捨寤懷其官軍有陣亡將士等委本軍審勘具名銜事跡申奏即與褒贈仍令本軍優當其家三年不停衣糧并委所在州縣速與收葬量事致祭其將士有因戰陣傷損尤甚以致殘廢者各委本軍厚加優恤仍勿停解其陷在賊中官吏百姓等應有節義著明元辜受戮者宜令州府長

吏致祭收葬仍委節度使到日具名跡聞奏當有褒贈仍優賞其淄青封域歷稔氣昏管內名山大川在祀典者宜令宣撫使舉本鎮計會差官備禮致祭其祀廟中應緣陳設器服等勿是賊中所置者並宜虔撤特加脩換用致虔誠於戲朕恭已響明撫即景有推情以恕出令在寬而拔逆反常自貽天討迷於告諭速彼誅鋤轉禍必有其忠臣為亂同於覆轍既除道寇庶洽太和偃戢干戈諒從此始布告遐邇咸使聞知王者施行

元和十四年二月二十日

破汴州李宥勅

四百三十七
長慶三年德音
編判

勅理天下者務於安遠逆致康濟者資於懷兆人朕統馭方邦式敷王度任藩方以俾義異干戈之載載虔恭惕厲未始暫忘推于是心布乃中外昨者夷門逆帥逆將興師蒼黃變生庶无告逆賊李宥驅掠兗害流離毒痛在浚之郊君昂將爨逼脅我軍盜竊我戈鋌馳外均敢賜肆蠱朕所以不降明命木行天誅容其革心以俟迷復蓋以一方軫念三面開羅將弘愛物之私用表好生之施而臬音咨醜狼顧憑兇危巢已焚禽自猶若光顏韓充雷華智興等感激忠勇揮戈誓師雷奮鼓旗所向

風靡逆黨殲殲原霧清熊羆之師灑及摩壘夫疾風朝來而勁草方辨熾火將燎而良明金蓋明果聞義烈之臣奮起轅門之一揮斬首今無噓巖城洞開以候來帥永言忠効走錫籠章榮其臬斬逆賊李宥宣武軍都知兵馬使李瑱已從別勅處分忠武充海武寧鄭清滑等軍將士等感主帥之忠誠忘身赴敵視寇仇而忿嫉決命爭登高承簡以睢陽一郡之師當地亦奔衝之勢咸能勦其醜類如刈草菅各振軍聲用軍威略其志武衣海寧鄭滑應赴行營及宋州將士等并節級各有賞物以別處分支給委本軍據功劳額例給散歸還之時仍加宴勞朕念彼無辜際茲塗炭橫為克狡駢脅傷夷其汴州管內州縣官吏軍將鎮健及諸色掌人等項罹脅汙自拔無由事情亦可矜恕除同惡巨蠹者其除一切不問仍加榜示如或妄有恐嚇言告者科其反告之罪于戈整與里閭必害春言農畝是廢耕耒其汴宋鄭三州罹此兇逆士馬屯集供億併繁雜事乃徇時而人亦勞止子懷軫念豈忘優矜其三州界內有兵馬所到縣言姓或被驚擾處且於今年秋稅內三分量放免一分仍委州縣長吏切知綏撫其賊中雜差黥子弟大役並宜放還鄉里俾安生業其中有不能自存者量事

優卹應百姓中有被分外死名賊斂者並當時動停義士忠臣見於死節賞
切褒美莫及殤冤惠卹其孤庶明報効軍有陣亡將士等拜李宥為亂
已來有潛謀効順誠節可嘉并因此遇害者並委本軍審勘具名銜事
跡申奏當與申獎及加褒贈仍令本軍優給其家三年不停衣糧并委所
在州縣速為收養董事致祭其將士有因戰陣傷損尤甚以致殘廢者
各委本軍厚加優卹仍勿停解掩骸埋骨固之令典迫於克醜誠可傷嗟念
其本亦吾人蓋非事非獲已其經戰陣處所有賊中遺骸並委所在州縣
隨事收瘞勿暴露於戲弔伐之道予遵格言靖寇安人豈忘終日朕載
橐弓矢思保黎元而雨露所均動植所繫一夫竊歎朕每興懷况茲浚
郊都邑之會所以慎擇將帥期於義安今寇孽已潰封壤寧息師之所
處用慙予衷將申宥恤之恩庶息瘡痍之後布告中外咸使聞知

唐大詔令集卷第一百二十四

唐大詔令集卷第一百二十五

政事

平亂下

平張韶德音

破李同捷德音

誅興元亂兵勅

誅王涯鄭注後德音

誅王涯等德音

誅王涯等告諸陵詔

平潞州德音

平徐州制

平揚師立詔

平揚師立宣示中外制

平孫儒德音

平楊守亮等勅

平乱下

平張韶德音

帝處原

四百三十九

朕祇着大構屬當冲眇九庙之嚴因予以輕重四海之大由我以慘舒每懷

推誠不敢自用大布利澤嘉聞諛言庶死懋尤少享重負豈虞信不及於物德不動于人以懷宴安適此寇張韶蘇玄明等駭李二徒劫携兵刃白晝切發暴犯宮闈震驚朕躬近幸禁壘即時勒五常騎士七萃熊羆少命偏師終分左廣自申及酉撲滅皆盡斯實上玄降鑒宗社垂休愍予冲人俾死顛覆其西軍立功將士已節級優賞諸將校其白部領軍士者委有司即條流甄獎具名聞奏其逆賊親屬同知情之外一切不用追擾尚恐因緣仇隙告訴平人自今已後縱為妖党有小誑誤者並許自新亦不須勘問嗚呼秦皇車碎於博浪漢祖心動於栢人或不悟而終亡或自新而流祚齊晉多難以啓國衛邢死難而喪邦蓋謂憂勤則福興安肆則禍稔天其意者警於予乎而今後知玄貺可以德歸神器唯乎力恃咨尔股肱輔臣庶寮百辟泪方郡侯伯有位之士死或棄予謂不可教

其有違道傷理徇欲懷安面刺庭攻兄有隱諱成王之紹文統武帝之聞高業皆在昨日早享國歲深夫豈佗哉蓋大臣維之而不跌死羞於二王者緊尔多士乎

破李同捷德音

四百三十八

勅王者誅暴辟不傷殘明賞報功拯弊綏衆蓋為邦之大紀也李同捷頃自先朝擅謀專土輒抗成命私行墨線暨朕臨御實思含垢授之以衮海論之以詔書使臣相望况忘自若而更挺妖結党知衆阻兵毒流无辜害被闔境繇是藩臣瀝懇卿士獻規至于興戈諒非得已自元戎環壞王旅進攻郊窺危巢颯振槁葉動必乘於機會退皆扼其咽喉故戴義啓人郭之殊庸李祐展下城之勝略累稔逋寇一朝削平此誠天人合符中外叶力永言勲勸无忘舊思其戴義反李祐應加爵命并幽州及齊德兩道行營立功將士各有賞賜並已從別勅處分其賜物仍委度支逐便速典支送仍命使臣分往宣慰各於當處厚加宴勞其立功軍將未經寵授者委戴義李祐即差次等第速具聞奏即有甄獎用答勲勤李同捷力屈計有方固轉禍敗好生存信初議貸刑而面縛在途陰懷狡計夜

縱火號潛誘家僮更謀網漏自速梟猷憫彼兇魁生沉家族顧伊貽感載
軫于懷其母孫氏妻臣氏并男及家口等並宜將後寬宥令於湖南
營內諸州有空閑處安置其歸將卒不涉翻覆者委戴義李祐審勘
貴各與衣糧分配馳使其滄景等州將士有謀執兇党竟遭誅夷或雖
被劫致能全名節者並委李祐撫實條奏量加贈錄其滄景德棣等四
州百姓有是近日被賊點召團結者並放歸營農除非同惡相濟以死拒
命者餘一切勿問四州百姓久陷汚俗每罹威虐莫匪吾人今既脫難當施
德令並宜給後一年不能自存者量給種食其刺史縣令仍令中書門下慎
擇循良俾加存撫應諸將校自經戰伐或致死亡載念捐軀每深憫歎並
委戴義李祐審勘定具名銜事跡申奏即典褒贈其長行官健陣亡
者並令所在長吏量移與改葬同為祭其家口有在者各委本軍優
卹仍三年勿絕糧賜其有因中矢石遂至戎廢者各委本軍厚加存養仍
給衣糧終身勿絕勅者有未該者委戴義李祐比類更作條件奏聞其
昭義武等軍行營在賊境者比相犄角皆有功勤各列有處分於戲整
師除害義切於安人撫俗策勲道存於布澤爰申彝典且又新邦咨尔多

士宜悉朕意

大和三年五月十三日

誅典亂兵勅

乃者蠻寇入犯蜀川令與元招募一千人隨事防遏雲蠻既退賞設放歸
事理之間亦為得所奸臣犯亂戕害元臣遂擇新師委之窮竟果副朕意
盡誅群兇八百餘人一時梟斬并諸叛將同日誅夷省伏念功嗟賞何極
其衛志忠已下將吏等委溫造節級分付訖聞奏王景延等以李絳遇
害時皆能誓身徇節奮不顧生宜委中書門下即典褒贈其王景延仍
與一子正貢官兼委溫造優卹家事務念得所宣示中外咸使聞知
大和 年

誅王涯鄭注後德音

門下朕以翼、之心救、求理十年之內廢政未疑極於焦勞志在博採聿
親奇士冀獲長才取其節焉不顧發迹故李訓鄭注咸得進言既望沃
心每許造膝邪人姦色順非而澤信行聽言深心厚貞包藏不作偽辨
無疑梟鏡之心禍亂忽作意欲剪除中外悉去大臣志願非常自謀安
泰賴上天垂祐宗社降靈同惡雖多奸謀竟敗忠臣輸乃保護朕躬

是日弭已嘗敷告尚聞閭里未悉予心猶有浮言謬相誑惑朕君臣之際疑問不行致此妖狂慙非哲惠前月二十一日王涯賈餗舒元興李訓鄭注李孝本韓約羅立言王璠郭行餘魏逢等親率金吾兵仗又郭行餘王璠領部下將健持兵止殿叶謀不軌傾覆社稷謀害中外况此兇徒悉已梟戮絕其遺類以謝忠良內外庶臣卿士百辟体予前志宜即自安无惑浮言尚相恐怖式惟新之慶宜申在宥之恩京百司見禁囚徒流死罪递减一等未給正者推問畢日准此處分諸色所由長吏陷於脅從雖有名籍涉於誑誤者一切不用更問仍付左右神策兩金吾京兆尹御史臺並准恩赦處分休更追捕其有潛藏迴避限日令出各歸本可逆人親族已處置外其餘周親已上一切不問所在更不用繫留聞報其先有定名捕捉者所在尋逐獲日聞奏不得漏網昨者有擅入逆人家盜掠財物擁死故之利生怙乱之心尚猶縱酒聚徒妖言惑眾志於劫掠恐嚇居人假託軍司輒持兵器及以前月二十一日事妄相告訴者委御史臺京兆府嚴加伺察擒捉奏聞所在集眾失殺不在恩赦之限於戲齊晉之難桓文是吳注訓之妖朕志方定識邪正之路辭消長之言覩眾臣宣力於急難見禁旅推兇於頃刻當

時危之際識臣節之勤藏於心何日可志宣示中外宜体朕懷大和九年十月十日
給事中臣承瓊等言臣聞千紀之臣切發之寇三代已降不能撫之陛下睿謀神斷電擊天誅刑錐慎恤人鮮幸生躬夏禹泣辜之心行成湯解網之惠納隍軫慮釋縛惠仁渙汗滂流殊私遐布旬月之間再有恩蕩有以見降下愍物之心也而又大啓刑書除詔中外不疵細過恩闡大猷雖法設禁牢物无維繫咸許自新與之更始好生之德達于上玄含祐之恩洽于下土用和在宥乃圣人之心去殺勝殘則王者之事屬歲聿云暮節及春陽順覆載發生之始敷雷雨作解之時則率土同心熟不欣幸臣等忝居近侍獲覩德音死任抃躍慶悅之至謹奉制書如右請奉制付外施行謹言

誅王涯等德音

朕以寡德祇荷睿圖于茲卜年夙夜寅畏恐至誠不達景化未敷屈已以安四方稚信以待百辟不謂患生毗倚變起奸兇亦以失於任人致此氛沓朕為人父母子育生靈憂万姓之靡寧惧一物之失所况至理之代先德而後刑所以上下歡康中外清晏慮有連累即傷大和且賞不踰時式彰褒勸其今月二十日排難宣力功成謀議及能應机梟斬鄭注者節級各加官賞其次立

切及卓隊將士合在賞給者即有差等處分其將校等合與改轉委
本軍條流具名聞奏謀逆之人已斷晉領子戮家破俾當極誅元惡與季
訓鄭注王涯家族除已處置外妻女奴婢並入官資貨產業天下所在切加檢
責據數聞奏其餘親黨除同居知情外不同謀計者一切不問諸色官吏所
由其日受逆長指令欲出力同惡者並以兩軍推問尋捕處斬訖尚慮因
緣離隙妄告平人自今已後縱同官司微涉誣誤一切不問潛藏疑懼者許
三日內各歸本司不得輒相恐動韓約首為詐惡逆罪滔天雖羅補未獲
終天網不漏宜委御史臺京兆府兩金吾速催促所由齊出搜索獲日聞
奏如輒有人隱藏不告者罪及一門如知去處隱藏密來告說者必當厚
賞於戲朕求理之心唯才是與聽言信行不慮苞藏豈謂邪人負我如
此其中誘陷必有脅從須桂州名載深寃歎其中節目疎理未盡須更
商量者委中書門下續即條奏宣示遠近咸使聞知

誅王涯等告諸陵詔

勅兇徒切發震駭京師中外協心即時擒斬昨者將戮叛黨咸告庶社
國之大事合謂諸陵宜令所司即擇日撰儀差官奠告

大和九年
十一月

平潞州德音

門下朕聞覆載之內逆命者必滅其身日月所臨亂常者必覆其族矧有
恩孤亭毒禮悖君親罪惡貫盈人神共棄各將自執禍豈能逃逆賊劉
稹首祖父之奸謀肆村狼之狠戾動干紀律力逞兇頑招亡命而為腹心憑
山川而為險固脅從百姓殘忍一方積惡成殃擢髮准數朕恭承寶位祇
畏上天每戒佳兵常思去然事關除暴理合與師遂命戎臣會兵攻代輦
鼓雷霆之怒戎鋌行原野之誅惡黨既擒元兇就戮載馳驛騎傳首上聞
文獻捷書降書繼至是用丕變弊俗洗蕩妖氛式布新恩獲全舊土念
彼戰爭之地况當凋瘵之餘租賦且蠲征徭合減其澤路五州共給復一
年河南府常路縣太原府及接昭義界縣河陽懷州陝晉絳及當路州縣
今年秋稅並宜赦免酬忠旌善爵賞宜如其行營立功節度使並別勅
處分其大將已下委本道各具功効聞奏續有處分諸道行營咸書忠
力至於攻取剋捷屢聞應緣討伐將士歸還之際並有優賞已從別勅處
分離卿征役固有勤勞臨陣殺傷寧歿行魏祖吊寬之禮施周文葬
骨之仁其行營將士陣歿者先已有勅便令子弟填替如無子弟三年不

停衣糧有因戰陣傷損手足永廢者終身並不得停衣糧陣歿將士骸骨先令所在埋瘞不許令便將歸今之事平如家口遷取委所在州縣量事應接發遣如無親屬來取者重與改瘞勿令暴露仍都與設祭諸道行營陷沒將士見在照義者各放歸本道其澤潞五州百姓先因用兵逃散在諸處者委元達弘敬劉沔元式石雄安存發遣各令歸業仍委盧鈞設法招携務於綏緝其有劉從諫已後暴賊加微害於百姓者並宜放免用兵已來劉積所招收團練官健營生五州內百姓如有家事蕩盡交切飢飢者委盧鈞且以軍糧賑貸如先有食害被賊收管未破用者並還本主其莊田已為人占奪者亦並却今秋猷及種麥如自無麥種子者且以官麥貸借如五州又自無麥種子者共借三萬石今供軍院運便支付其先賢墳墓先牌後為人所如被發掘却與掩藏仍量與致祭其諸色人內如有文學節行比來藏避從諫隱跡山林者並令搜放具以名聞又自劉悟從諫至劉稹逆命已來如有忠義之徒曾謀歸國為殘害者並具聞奏當有贈恤應五州界內戰處所在骸骨如無主者並與收拾埋瘞今遣吏部侍郎高銖給事中盧弘王專往宣慰存問疾苦撫恤凋殘迴

日各宜具利害聞奏於戲朕以四海為家兆人為子一夫不獲常所憮然不寧每勞軫慮令逆黨已戮內地無虞偃戢干戈謀從此始庶乎元氣保合大和遐迩聞知當休予意主者施行

會昌四年九月十八日

平徐州制

朕以眇身獲承丕業虔恭惕厲土載于茲况荷十七聖之鴻休紹三百年之慶祚將來理本敢忘宵衣雖誠信未孚而寅畏不怠既絕意於苑囿固無心於畋遊業：兢：日慎一日休徵罔應沴氣潛生南甬將罷於戰爭徐祗忽孤於惠養招諭不至虐暴滋深竊弄干戈擅收州鎮將邀符印輒恣兇殘不畏神祇自貽覆滅股肱之臣以罪惡之難捨腹心之衆為恃逆之可誅爰集甲兵用救塗炭上將宣力內臣叶心選用皆得於良材掃盪餘及於周歲絕十紀及常之噍類懲亂臣賊子之奸謀今則以及偃戈重康黎庶疇庸之典在絲髮以無私懋賞之時責纖毫之必當其四面行營立功節度使既成茂勳宜加酬獎並取別勅處分應諸道行營都將已下節級軍將各委本道具功勞名銜分析聞奏當續有處分如有功效高者仍別其歸本道已後仍節級與遷改職名及向後本軍有職掌負關先

於行營軍將中選練任使以獎勤勞被堅執銳冒涉寒暄解甲橐弓還鄉復業頒贈帛之賜免差役之征應四面行營將士今既平寧宜令次第於歸本道其賞賜疋段已從別効處分至本道後仍令節度使各加犒晏放歸私第便令歇泊未用差使如行營差科色役如本廂本將自今後有節級負闕且先以行營軍健量材遞相差署用酬征伐之勞迴戈將士賞給疋段各以支給發遣訖各令中使押領到軍前仍委四面將帥及本都大將於本道軍營內與中使對面給付不得輒令下吏所由疾刻剝一尺寸應迴戈將士經歷州縣令供領遞朝廷並各有處分宜令長吏切加勾當準備供給不得令有欠闕臨敵用命力屈殞身須慰傷冤以彰忠節起興職事仍加任使如無父兄子弟只有妻女者即委州使厚加贈卹當令存撫如是都將至都虞候陣亡者具名銜聞奏當與贈官應陣歿將士有父兄子弟願從軍者便令本道填替如無父兄子弟仍且給衣糧三年不得停給因戰陣傷損手足永廢者終身並不停給應陣歿將士及百姓衣冠為賊殺害者其骸骨平寧之後如有家口親屬取歸本道收葬仍委所在縣軍事應接發遣如無親屬來取者即令所在州縣重典改瘞勿

令暴露蕙仰典設祭王者以仁恕為本極濟是謀元惡既已銖鋤脅從理宜寬宥除龐勳親屬及桂州迴戈逆黨為賊脅從及縱因戰陣拒敵官軍招諭不悛悞法逃走皆非本惡蓋鋒刃所臨令並釋放一切不問委四面將帥州縣鎮戍所在要路分明曉示四散招携仍許兩月內所在陳首并令長吏便放歸本管任自營生不得妄有攪擾其中如有才藝超異者便收錄馳使應徐宿濠三州城內收復之後見在軍人百姓除龐勳及桂州逆黨親屬并為龐勳復心謀議凶戮須加刑戮外餘並一切不問應舊軍將官吏節級所由既已釋放並令却還本職驅使用示殊恩地經載伐又率流亡閭里既已歸還征賦先宜蠲免其徐宿濠泗等州應合徵秋夏兩稅及諸色差科色役一事已上並從十年蠲放三年州縣所由輒不得妄入鄉村攪擾百姓待三年已後量其事力續議條流處分餘側近州縣為賊燒劫處令本道檢勘傷殘甚處分析聞奏待奏到續議放免編氓失業丘井無人桑柘枌榆鞠為茂草應行營處百姓田宅產為賊殘毀燒焚者今平寧之後百姓既已招携並許識認各本主便自收營州縣及官吏權要並不得妄有侵奪如百姓有家業為賊虜

劫蕩盡交功飢餓者委所在長吏牒遂便供軍使量加給恤如百姓先者倉害被賊收官者並還本主應行營處鎮此石曾為打劫召據收復之後須却令官吏生將除見在殺降將吏官察及先是本官勾當外餘委所在州縣選擇良吏委之緝理俾令百姓有所歸投於逆從順臣節既領及祿冊勲官常斯切應有劾順投降軍將官吏節級立功勞雖有酬淺及有未沾恩者委四面將帥更子細量分析聞奏待到處分應募征行已從犒賞還鄉休役務令優容應諸道差赴行營將士其中本非舊額官健因緣征討召募差行者迴戈了後如有不願食糧聽從其便亦准前項除兩稅外放三年雜役凡原可作千載不忘尚禁樵蘇寧傷丘隴應有先賢墳墓碑記為人所知被賊發掘即却與掩藏仍量置祭十室之邑尚有所師道跡路闔門獨行高節拒不義之召地無厭之求重穴莫尋焚林可取慮徐宿濠等州縣管內有素懷忠義不助兇徒樹謀歸國為賊殘害者具名聞奏當與贈卹如諸色人內有文學節行因用兵藏避隱跡山林並令搜訪存撫自用兵已來郡邑皆罹功劫遠念驚境尤在慰安今遣左散騎常侍劉異兵部郎中薛崇專往宣撫軍人

百姓卹問閭里疾苦迴日其利害分析聞奏於戲朕以四海為家兆人為心一物失所每軫納隍之憂一方未寧常負陪危之戒今元凶就戮逆黨誅夷載戢干戈永銷氛祲庶平妖氣允洽嘉祥遐爾知聞當體余意咸通十

平楊師立詔

楊師立趨走庸流瓶管賤品因緣禁旅忝冒藩方迷天地覆載之恩虧臣子忠孝之道積禍既久懷奸已彰爰自左川擢居右揆蓋全君臣之分益含育之仁殊不知臬鏡逾兇豺狼難養敢違詔命連害使臣據燧井以睚眦固牛涔而旅拒敬瑄開張武略稟奉睿謀選將果得於雄材練兵莫非於教士舞梯衝而將平雄埽整旗鼓而已挫虫沙付高仁厚攻心之術成鄭君雄反掌之計果臬逆首殲兇徒吉音纒奏於九天喜氣自淳於四海殊勲盛烈前古無儔已賜詔命獎示訖其首級宜令西川節度使准例處分中和四年六月

平楊師立宣示中外詔

朕子育万方為人父母常歎含哺四海均養九州去三面之網羅推一心於教化共濟仁壽永使治平豈於將師之間勲舊之內不思終始遽及誅鋤但

揚師立本無汗馬之勞擢處建牙之任年纔五十位及於公侯恩被一門榮沾於骨肉有弟与子皆列朝班自母及妻畢開邑子師立之愛君體國未見一毫唯朕優遇寵私寔為異等而不知逆順但肆盈初則寢廢詔書扇動軍伍後又容縱盜賊殘害鄉閭且巡扇是朝廷官負有除移則不許交代監務是庶支公事遣區分則堅拒勅文本道不屯甲兵妄占上供錢物命使尋究虛有支分害監軍使於本城殺官告使於近驛干紀之謀有素不臣之跡轉彰中外臣寮共知狂悖苞含掩慝未忍疵瑕竟迫於多難之時須明國法正殺義難顧私恩遂命西川節度使兼太尉中書令穎川王敬瑄點檢土軍仍委行任都指揮使十軍、容令攷量抽三兩道迎駕兵士指期齊進同議討除三令五申擒元惡戒兵禁暴不損平人整直師而易若建瓴殲叛卒而勢同破竹初雖閉壘旋乃下城果見其黨離心况渠傳首不假別命將帥不勞遠取干戈警效之餘遂夷梟鏡代宗朝同華節度使周智光亦因國家多難敢逞兇心擅救杜冕一家以報私憾及逆節萌露又劫諸道士獻及掠剽行路衣冠將謂朝廷力不能制亦是總議征討已為帳下所戮師立之事頗類智光契榆磨牙

豺狼當道若存兇逆必長乱階朕知人不明爵賞踰量盈茲小器煩我大刑况善陣不交曾無天枉未勞一矢便戮元兇諸道節度觀察防禦等使位重藩宣義均休戚未覩平戎之奏常深許國之誠副我分憂固同慶快鄭君雄顯分逆順知有功名拂秋水以捐軀向錦川而拜首姜膺遽剖表願遂臬須議加恩用激忠節已後別勅超授官資仍賜庄宅錦綵銀器寶玉腰帶等餘准詔旨處分

中初四月六月

平孫儒德音

朕以冲眇嗣守丕圖思我高祖太宗創業之勞憲宗宣宗理平之道何嘗不兢、業、肝食宵衣上冀紹於耿光次期臻於無事不懈一日于茲五年然近者藩鎮未寧兵伐屢動復以辰象垂惑運行愆期每推愛物之誠深軫納隍之念銷兵罷戰前古之佳猷宥過滌瑕當今之令典將數澤以遂群倫淮南浙西宣州三道自孫儒結骨已來塗炭益甚井邑多成灰燼里閭變以丘墟父母妻孥不得相保田園第宅無以自安如聞州府急於征徭官吏切於課績微科料罕有完膚禁禁狴狴更無生路苟縱如此何以和於元氣何以致於未平須示優勤將帶富庶其淮南三道管內

州縣自大順二年已前諸色逋懸並宜放免自景福元年已後夏秋兩稅
委長吏斟酌鄉縣戶人厚薄其有凋殘甚處別議矜放縱有稍可任
持亦在薄其徵斂所冀逋逃漸復封境又安不准減几重之焦勞抑且顯
諸侯之風化又孫儒未破之日兵力方強側近專城固難支敵當不免與之
來往時有供須蓋是脅從豈皆情願淮南節度使楊行密位冠侯藩之右
名兼相仰之崇自當推原下之規修睦鄰之好無乘時以蕙微弱無小事
而結仇讎應與孫儒蹤跡交涉者並宜免罪不在究尋各保封疆用蘇
疲瘵易稱作解史載泣辜庶將罪已之與亦冀從人之歎應京畿及關
輔內見禁囚徒除官典犯賊及殺人外並宜遞減勅命分折限赦文到後旨
疎放聞奏被褐懷玉固逸代之奇才灌園鬻蔬亦超時之獨行將期致
理豈所遺賢應天下山林之中衝泌之下惑懸頭刺股枕石漱流有志未
言無媒自達者委所在長吏速以名聞仍接借入京委中書門下量才
獎用其鄉閭父老八十以上及鰥寡孤獨并瘖龍耳跛臂者委所在長吏量
加優卹使栖遲於戲天子也如手足之奉軀體左右上下動須保持本或不
寧亦唯知濟凡曰股肱宜躡朕意宣布內外咸使聞知

景福元年八月

平楊守毫等勅

勅夫聖勝殘去殺古聖人格言阜俗安人前王之令典逆賊楊守毫楊復恭
楊守信等結於党援聚作奸邪謂天可欺謂神可祇調言唯訕上既驗
於無君勅即謀人非因其有道枉殺元舅沉溺一家節旄阻留息命隔西川
之負奉絕數鎮之綱南欲使朝廷支費不充又遣藩方資糧有闕擢髮不
足以數罪糜軀未足以當辜百姓脂脂膏苛斂作奉身之具一乃壯盡
駟為不執之兵以至夫不得耕婦不得織愁歎盈於道路瘡痍僅遍於
鄉閭每初焦勞不忘頃刻昨者幸賴股肱重寄心膂元臣共與貔武之師
破豺狼之窟今則煙塵頓息戈甲已寧成懷堵之期用遂息肩之泰得不去
其前獎示以新恩爰與側隱之心乃降優弘之命應與元內及洋州全商等
州兵火傷殘之後各委長吏切如安存至於賦稅並宜酌量矜減其雜色
差役亦仰權停如有百姓軍人前資後任凡有註誤一切不問其京畿界內
有兵馬屯駐之處亦委京兆府量與蠲免俾令通濟無使重傷疲瘵其
鳳翔邠寧秦州東川華商等道將士等二年于役苦戰摧兇竟于盪
平寧志酬獎應立功大將節級等各委本道節度使定其功狀具名

銜聞奏當議處分又非執之勞宴賞之費尽出方面不在朝廷誠日嘉
謀亦由叶力應用軍已來本判官并主掌官吏各仰分析奏聞各与獎拔
於戲王者為心不欲一物失所君人御宇豈志由海為家全資有土之臣共費
無私之化布告中外咸使聞知

乾寧九年八月

唐大詔令集卷第一百二十五

唐大詔令集卷第一百二十六

政事

誅戮上

劉洎自盡詔

楊稹矜自盡詔

王鉞自盡詔

李林甫除削官秩詔

處置受賊偽官陳希烈等勅

